


夏小正正義







叢書集成

初編

主編 王雲五

商務印書館發行



夏小正正義

王筠撰







宋淳熙中韓元吉刻大戴禮十三卷夏小正在其中乃前此隋志亦十三卷而夏小正別出蓋齊梁間久有單行本矣

傳氏以爲獻書者離析之此不必然戴文志既收禮古經及記矣又收中庸說既收筭子於道家矣又收弟子職于孝經類是其比

傳文小正字凡四見

禮運鄭注得夏四時之書也其書存者有小正月令

注九引皆云夏小正一曰正月啓蟄魚陟負冰二曰農率均田三曰丁亥萬舞入學四曰妾子始蠶執養宮事五曰王賁莠六曰五月啓灌藍蓼七曰六月鷹始擊八曰九曰丹鳥羞白鳥且並傳引之九月十一月王狩

竹書亦云頒小正知

此書本以小正名今冠以夏者蓋先儒所記禮書二百四篇大戴刪爲八十五篇夏小正第四十七小戴又刪爲四十九篇遂無此書今綜兩戴本觀之多出周秦而保傳又出于漢之賈生蓋大戴以其書最古特題曰夏也嘉慶四年先大夫約齋先生出宰潛山筠隨侍在署幕賓有夏小正鈔本傳文多刪節又有金仁山履祥說濟陽張稷若爾岐說北平黃崐圃叔琳說頗爲詳備使小胥鈔存之今夏覆檢大戴本有傳無經此由經傳別行讀者見經已具傳中遂鹵莽而刪經以致今之讀者謂此書經傳雜糅不知僂越經傳者始于後漢之費直戴德乃前漢宣帝時人也儀禮經傳通解于傳中別出之爲經而閒有遺漏仁山儒者之說不甚考故實崐圃考之矣而或以己意竄易舊文余乃合鈔爲一本異文則參合用之疏解概用三家之說閒亦竊附己意疑者仍闕之命之曰正義竊取唐宋經疏之名也顧念朱子別經于傳斯不得不增傳曰于每月之首鈔本于傳文之外益以三家斯不得不增傳曰于每條之首如周易上下經及十翼分爲十二篇自費直以彖象繫辭文言解說上下經各附各卦之後遂加傳字如今本乾卦是其



式也。鄭氏以後更分彖翼于卦辭下，象翼于爻詞下，於是彖曰象曰紛紛錯出矣。初學讀之亦自有利。然爻詞小象其義各有相承者，而小象之韻則無不相承者。今爻爲象隔，象亦爲爻隔，其弊甚大。本書記時令無易之大義，卽分之亦無其大弊。然如十月傳若日之長也云，雉入于淮爲蜃二句相連，則朱子之說可解。今旣別之，猝亦難通，皆自然之勢也。經義述聞引有孔氏盧氏兩本，我未得見，將廣求而補正焉。道光二十九年歲次己酉閏月廿八日安邱王筠。

越歲庚戌復取傅氏本讀之。傅氏名崧卿，宋山陰人，官給事中。其序曰：政和中

宋徽宗十一年辛卯改元政和得關澮本有

注釋二十三處，以集賢大戴禮參校。兩書互有得失。傅氏所校雖不精，而古本之誤具見於此矣。吳縣黃堯圃丕烈得明袁尙之所刻傅氏本，以通志堂本惠定宇手鈔本校正數十事。又以長洲顧梧生鳳藻所撰夏

小正經傳集解併鋟版行之。顧氏所據本以宋韓元吉所刻大戴禮爲主，其或謬誤則正以傅氏本。博觀約取，體例謹嚴，稱其爲經生家言也。余讀傅氏序始知離經于傳實自此始。又讀集解於素所未明者已多辨皙。然大戴至今二千年矣，各本已不同。小正前乎此者又二千年，而欲其無闕佚譌謬豈可得乎？傳言或曰者八，其六謂說之者不同，而或曰祭韭或曰人從，直謂經文有不同。況小戴刪之不復列于學官，誦習者少，流傳千年，宋人刻之于久經斷爛之餘，後之學者不思夏書渾渾不盡可以意逆志，而苦心孤



詣。務欲通其所難通。雖勢不可已。恐亦有鑿空失實者矣。夫遵明曲解八十宗。尙幸有不譌之本。可以考其實也。小正必無古于宋本者。將安所考正乎。故余再鈔撮之。於諸本不同之字句。詳悉書之。卽其謬顯然者。亦皆甄錄。使人知前賢用心之勤。亦以見蕪穢難治。必不能反古復始。且前人所不從者。或後人鑽研。復有所會。能拾前人之遺乎。反覆改之。至八九過。亦僅略可屬讀而已。若夫字比句櫛。鑿然言之。則聖人能言夏禮。尙惜杞不足徵。然當時固猶有杞也。其故虛今爲邨落。名曰杞城。隸吾安邱。豈復能向此編氓而徵文考獻乎哉。五月二十二日筠又序。



# 凡例

傳文古奧。不可刪節。茲一依元本鈔錄。儀禮經傳通解。於經文傳文。皆有音注辨正。余有所增。多署名別之。或牽連出之者。則不別。其辨正三家說者。亦不須別也。

三家之說。全謬者。刪之而已。瑕瑜不揜者。辯之。閒有全謬而足惑後生者。亦存而辯之。

傅氏於每月之傳。皆冠以傳字。蓋放杜注左氏傳。每年之經。皆冠以經字。每年之傳。皆冠以傳字也。似較妥。然既明著其爲後加矣。可以隨宜也。

月令羣鳥養羞。鄭注引丹鳥羞白鳥。竝傳引之。而謂之說。傅氏朱子皆謂之傳。案黃氏曰。夏小正舊傳子夏所作。謬也。筠未見此說所出。竊以爲謂子夏作傳耳。大戴禮

他篇注皆雙行。本傳獨單行。是傳在戴氏之前。然鄭君但謂之說。已不能得作傳者之主名矣。傅崧卿謂戴氏作傳。余初從之。今仍闕如。

傅氏序曰。關本戴禮。皆以夏小正文錯諸傳中。則傅氏所校異文。概當在傳中。故今去經中校語。以省重複。惟必當在經中者。始存之。



# 夏小正

清王 筠撰

春 離經于傳。自傳氏始。則春夏秋冬。亦傳氏加之也。顧公羊傳曰。四時具然後爲年。則以時統月。於古法合存之。

正月。啓蟄。鴈北鄉。雉震响。魚陟負冰。農緯厥耒。初歲祭耒。始用暘。囿有見韭。時有俊風。寒日滌凍塗。田鼠出。農率均田。獺祭魚。鷹則爲鳩。農及雪澤。初服于公田。采芸。鞠則見。初昏參中。斗柄縣在下。柳稊。梅杏。柰桃。則華。緹縞。雞桴粥。

二月。往耒耜禋。初俊羔。助厥母粥。綏多女士。丁亥。萬用入學。祭鮪。榮莖。采蘩。昆蟲抵蜺。來降燕。乃睇。剝鰾。有鳴倉庚。榮芸。時有見稊。始收。

三月。參則伏。攝桑。萎楊。犂羊。蠶則鳴。頒冰。采識。妾子始蠶。執養宮事。祈麥實。越有小旱。田鼠化爲鴽。拂桐芭。鳴鳩。

夏

四月。昴則見。初昏南門正。鳴札。囿有見杏。鳴蜮。王薨。莠取荼。莠幽。越有大旱。執陟攻駒。五月。參則見。浮游有殷。鳩則鳴。時有養日。乃瓜。良蜩鳴。偃之興。五日翕。望乃伏。啓灌藍蓼。鳩爲鷹。唐蜩鳴。



初昏大火中。種黍菽糜。煮梅。蓄蘭。菽糜。頒馬。  
六月初昏斗柄正在上。煮桃鷹始摯。

秋

七月。蒹葭華。獬子肇肆。湟潦生苹。爽死。苹莠。漢案戶。寒蟬鳴。初昏織女正東鄉。時有霖雨。灌荼。斗柄縣在  
下則旦。

八月。剝瓜。玄稌。剝棗。棗零。丹鳥羞白鳥。辰則伏。鹿人從。駕爲鼠。參中則旦。

九月。內火。遷鴻鴈。主夫出火。陟玄鳥蟄。熊羆貉鼯鼯則穴。榮鞠。樹麥。王始裘。辰繫于日。雀入于海爲蛤。

冬

十月。豺祭獸。初昏南門見。黑鳥浴。時有養夜。雉入于淮爲蜃。織女正北鄉則旦。

十有一月。王狩陳筋革。嗇人不從。隕麋角。

十有二月。鳴弋。玄駒貴。納卵蒜。虞人入梁。隕麋角。

經文凡四百六十三字。後文具載之矣。而復總列于此者。以示初學。使知古書體例也。杜元凱春秋序  
曰。分經之年。與傳之年相附。然則春秋與左氏傳。各爲一本。杜氏始合之也。孔仲達疏曰。左氏作傳。不  
敢與聖言相亂。故與經別行。何止左氏。公羊穀梁。及毛公韓嬰之爲詩作傳。莫不皆爾。然則仲達所見



羣經皆不似今本也。然費直以彖象文言參錯卦爻辭中。鄭君箋注亦皆附之經下。故高貴鄉公有鄭氏何以不謙之問也。唐宋人作十三經疏。余之謏陋。惟見宋版禮記單注本。爾雅單疏本。經典釋文。永懷堂十三經單注本。又史記索隱單行本。無不各自成書。皆古式也。近人取便繙閱。皆羈雜之。其或文義前後相涉。一經閒隔。後生讀之。卒難索解。如春秋莊公二十三年左傳曰。秋丹桓宮之楹。二十四年傳曰。二十四年春刻其桷。皆非禮也。今既錯經于中。則其皆二字。何所承乎。小正經文甚略。易爲繕寫。故用以見例。庶後生讀他經。不致惶惑焉。



# 夏小正正義

金氏綱目前編曰。孔子曰。我欲觀夏道。是故之杞。而不足徵也。吾得夏時焉。學者多傳夏小正云。小正者。其紀候之書。謂之小。則固非其大者也。豈亦夏時之一端與。單子曰。夏令曰。九月除道。十月成梁。其時倣曰。收而場功。俾而畚楬。營室之中。土功其始。火之初見。期於司里。以上出周語。然則舉一端而推。所謂

夏時者。當必有制度教條之詳。不可得而聞矣。黃氏曰。竹書紀年。夏后氏帝禹元年正月朔。頒小正。即是書。舊傳子夏所作。謬也。筠案。正蓋政之古文。非正朔之正也。月令孔疏引鄭目錄云。名曰月令者。以其紀十二月政之所行也。國語又引夏令。令卽政也。知正卽政矣。若是正朔。何分大小。

正月。啓蟄。鴈北鄉。鄉許亮反。雉震响。响古豆反。魚陟負冰。農緯厥耒。初歲祭耒。始用囿。暘有見。韭。

朱子本脫此句。傳本有大戴禮作囿有韭。時

有俊風。寒日滌凍塗。田鼠出。農率均田。獺祭魚。

獺他達反。傳氏曰。當作獺獸祭魚。

鷹則爲鳩。農及雪澤。初服于公田。采芸鞠。

則見。初昏參中。斗柄縣在下。

縣音懸。傳本無斗柄縣在下五字。然傳曰。言斗柄者。足明是經文。與榮鞠而樹麥不同。

柳稊。稊徒稽反。梅杏棗桃則華。棗音夷。緹縞。緹他禮反。縞古

老雞桴粥。桴步侯反。粥音育。筠案。經借桴爲孚也。當音芳無反。



黃氏曰正月建寅之月。子曰行夏之時。

案自黃帝始有幹支。以甲寅爲首。顧頊作厯象。仍始于焉。逢攝提格之歲。於是年月日皆始于寅。相傳至夏。未嘗變革。夏書曰。兪摯三正。馬融以建子建丑建寅說。

之不悟夏后以前無建子丑者也。故鄭君曰。三正。天地人之正道。不敢苟同師說。

傳曰正月啟蟄。言始發蟄也。

高誘注呂氏春秋蟄讀如什。

顧氏引誥志曰。虞夏之厯。正建于孟春。於時冰泮發蟄。

金氏曰。今驚蟄二月節。漢正月中月令孟春。蟄蟲始振。豈古陽氣特盛。啟蟄早歟。筠案月令鄭注。漢始亦以驚蟄爲正月中。孔疏曰。前漢之末。劉歆作三統曆。正月節立春。雨水中。二月節驚蟄。春分中。鄭以舊厯正月啟蟄。故云。

傳曰鴈北鄉。

筠案鴈當依說文作雁。及下文九月經傳並放此。

先言鴈而後言鄉者何也。見鴈而後數其鄉也。

數色主反。鄉者何也。鄉其

居也。鴈以北方爲居。何以謂之爲居。

傳本無爲字。經義述聞曰。爲居二字衍文。何以謂之。猶曰何以言之。雉震响。緹縠傳皆曰。何以謂之。

生且長焉爾。

丈丁長反。

九月遯

鴻鴈。

遯特計反。

先言遯而

舊注而一作如。案如而古通用。

後言鴻鴈何也。

傳本無何字。

見遯而後數之。

傳氏曰。闕本數作如。今以上文正其誤。與大戴合。

則鴻鴈也。

何不謂之。

大戴無之字。

南鄉也。曰非其居也。故不謂之。

同上。

南鄉。記鴻鴈之遯。

大戴有也字。

而不記其鄉何也。

傳氏引舊注而一作



如大戴同。傳氏倒曰。鴻不必當小正之遷者也。

傳本遷下衍必字。春秋僖公十有六年。春王正月戊申朔。賁石于宋。五。是月。六鷁退飛。過宋都。公羊傳曰。曷爲先言賁而後言石。賁石記聞。聞其礮然。視

之則石。察之則五。曷爲先言六而後言鷁。六鷁退飛。記見也。視之則六。察之則鷁。徐而察之則退飛。筠案本傳。正放公羊此篇文法。然非也。此自互文見意耳。於北曰鄉。鄉月令作來。與遷者往也。對來者北。則往者必南矣。

筠案月令。季冬

雁北鄉。正義曰。早者則此月北鄉。晚者二月乃北鄉。故易說云。二月驚蟄。候雁北鄉。月令。孟春鴻鴈來。正義曰。案下季冬鴈北鄉。據其從南始北。正月來至中國。故此云鴻鴈來。但來有先後。後者二月始來。又案鴈順陰陽往來。見士昏禮鄭注。

傳曰。雉震响。

關本雉震雉。大戴禮雉震响震响。筠案當作雉震雉。下同。關本之雉。大戴之响。各訛。一半。雖史記殷本紀曰。有飛雉登鼎耳而响。然說文不收响字。大戴又衍震响二字。

响也者鳴也。震也者鼓

其翼也。

筠案此二句响震兩字。各本皆互訛。今依初學記所引正之。月令。季冬雉雉。鄭注。雉。雉鳴也。引詩云。雉之朝雉。說文。雉。雄雉。鳴也。雷始動。雉乃鳴。而句其頸。此兩事足以明之。然說文今本。亦有訛脫。此依尙書毛詩正義所引改補。原响震之所以互

訛。以經先震後响也。下文緹縈傳之互訛同。此雖先鼓翼而後鳴。蓋雉亦然。故經先言震。

正月必雷。雷不必聞。

關本聞作同。

惟雉爲必聞之。何以謂之。

關本以作必。言人既不聞。何以知雉

之必聞也。雷則雉震响。

關本脫雉字。人聞雷之時。雉必震响。無雷之時。即不震响。則正月之震响也。其爲有雷可知。

相識以雷。

句與何以謂之相應。

顧氏曰。鴻範五行傳。正月

雷微動而雉雊。

傳曰。魚陟負冰。陟。升也。負冰云者。言解蟄也。

顧氏曰。易本命曰。介鱗夏食冬蟄。則魚亦蟄物。故曰解



蟄。筠案月令正月二候蟄蟲始振。三候魚上冰。五候鴻雁來。與本書次第不同。傳曰農緯厥耒。緯束也。束其耒云爾者。用是見君之亦有耒也。關本作見君子之亦有束也。金氏曰古者立春先時命農大夫咸勸農。因

束田器也。黃氏曰季冬已令民修耒耜矣。至是緯之。月令天子親載耒耜。知君亦有耒也。

傳曰初歲祭耒始用暘。

傳本作暢。校語云。關本作暘。按暘不生也。暢訓達。作暢爲是。筠案暘不生也。出說文。不字似訛。暢卽暘之俗字。

暘也者終歲之用祭也。其曰初云

爾也者言是月之始用之也。初者始也。

傳氏曰。關本。暘者。其曰初云爾。暘也者。終歲之用祭也。言是月之始。初者始也。大戴禮初歲祭耒始用暢也。其月初云爾。暢也者。終歲之用祭也。言是月之始用之。

也。初者始也。

或曰祭韭也。

金氏曰王將耕藉則鬱人薦鬯。王裸鬯。

用國語似不合說見下。

祭耒用鬯者祭始爲耒耜之

人。

顧氏曰。祭先嚮也。先嚮神農始爲耒耜教民耕耨者。

黃氏曰宗廟裸鬯焉。郊社裸鬯焉。獻之屬莫重于裸。而始用祭耒。何也。將有

事于耕藉以奉天地社稷之粢盛。而身致其誠信之謂敬。敬其事則命以始。初歲祭耒。粢盛之始也。顧氏曰司尊彝之職曰春祠夏禴。裸用雞彝。鳥彝。秋嘗冬烝。裸用斚彝。黃彝。是鬯爲終歲所用。今以祭耒是用鬯之始。故係之初歲。筠案或曰風俗通和樂而作曰暢。樂歌之名。堯有神人暢。然神人暢之名似不雅馴。蓋秬鬯之說爲是。字作暢者。雜記暢曰以柶。柶以梧。釋文暢作鬯。而曰本亦作暢。是也。周



語王裸鬯饗醴乃行。下文始曰及藉。則非以鬯祭耒。故韋注曰灌鬯飲醴。皆所以自香潔。或周禮與夏不同乎。傳曰終歲者。對經文初歲而言。蓋此事既在正月。言初歲似複。故解之也。或曰祭韭也者。顧氏引孔氏廣森曰。記別家經文。或作初歲祭韭。案祭韭是二月事。作祭耒爲正。

傳曰。圉有見韭。

筠案見當音賢通反。

圉也者。園之燕者也。

傳本無者字。案燕蓋如燕朝燕居之燕。詩王在靈囿是也。

金氏曰。韭。陽菜。見露也。黃氏

曰。陽氣始升。木德之先見者也。天子樹瓜華。不斂藏之種。以爲遠于利也。有見韭。歷霜雪而復萌。以爲近千貞也。顧氏引春秋繁露曰。春尙豆實。豆實韭也。春之始所生也。筠案初學記引說文曰。苑有園曰圉。圉猶有也。有藩曰園。有牆曰圉。蘇頌引說文曰。一種而久生者。故謂之韭。象葉出地形。

傳曰。時有俊風。俊者

關本俊也者。

大也。大風。南風也。何大於南風也。曰合冰必於南風。

關本冰作水。

解冰必於南風。

生必於南風。收必於南風。

關本收作殺。

故大之也。顧氏曰。俊風。條風也。通卦驗曰。東北曰條風。淮南子曰。

冬至四十五日。條風至高。注艮卦之風。一名融。筠案顧氏蓋駁傳也。詩凱風傳曰。南風謂之凱風。樂夏之長養。說文曰。南方曰景風。是知南風當屬夏。月令亦曰。東風解凍矣。似顧說是。抑或春風狂似虎。但當說之以大乎。



傳曰：寒日滌。舊注滌一作條。凍塗滌也者，變也。變而煖也。筠案煖況袁反。凍塗也者。也字依傳本補。凍下而澤上多也。案傳分

爲句。凍塗爲句。○本傳似有誤字。或謂滌爲釋。且引管子而說之曰：日至六十日而陽凍釋。七十日而陰凍釋。在上者陽凍也。多釋矣。在下者陰凍也。時猶未釋也。不知管子所謂陰陽指山之南北而言。猶之文選海賦注引晏子春秋曰：陰冰凝。陽冰厚五寸。指水之南北而言也。彼以一地之上下爲陰陽。既失其義。且於物理不合。凍之結于冬也。自上而下。釋于春也。自下而上。本經祇言寒日變一日。凍皆化爲泥塗耳。傳則不可強解。

張氏曰：寒日滌。言寒氣日變而煖也。仁山之說遺寒字義。黃氏曰：凍塗者。凍土融而爲泥塗也。此合五字爲一句。

坤之初六。履霜。堅冰至。危乎其履之者也。此於初歲記此。幸乎其滌之者也。

經義述聞曰：日當作曰。傳本經作日。傳作曰。然此不足據。十月傳若日之長也。大戴日作曰。說文作吹。云詮詞也。爾雅：粵、于、爰、曰也。寒曰滌者。寒

氣於是乎變也。案張氏說：日滌者。謂日日變也。此讀爲曰。爲改歲之曰。於義雖通。然似不及張說。筠案：月令十月。水始冰。在地始凍之前。土煖水寒。物

理固然。故正月東風解凍。亦在魚陟負冰之前。本經顛倒。錯簡可知。十月不及冰凍。脫簡亦可知。

傳曰：田鼠出。田鼠者。噉鼠也。噉戶監反。筠案爾雅釋獸作鼯鼠。郭注：以類裏藏食者。而釋獸又曰：當鼠曰噉。然則噉者古文假借字。鼯者後起之專字也。此鼠今謂之倉鼠。記時也。

黃氏曰：田鼠有二。目小尾長者。鼯。目深尾短者。鼯。皆貪殘而害稼。曰出。惡其出也。筠案：黃氏以鼯鼯爲田鼠。非也。別鼯于鼯。尤非也。廣



雅。鼯鼠。鼯鼠說文。鼯鼠一曰偃鼠。是二名一物。不得分爲二。雖色分黃黑。氣分香臭。而名不異也。陶隱居曰。鼯鼠形如鼠大而無尾。黑色長鼻甚強。常穿耕地中行。討掘即得。案此今呼爲地羊者也。其地既穿。蟲入其中。復返而食之。本不食粟。何害稼之有。又案淮南時則訓。田鼠化爲鼯。高注。田鼠鼯。鼯鼠也。黃氏之說。蓋本之此。

顧氏引莊氏述祖曰。鼠上應元枵。正月虛朝見。故出。傳曰。農率均田。率

者循也。均田者。始除田也。言農夫急除田也。金氏曰。夏世一夫五十畝。均之。修其疆畔。不相侵越。月

鄭注引農率均田。孔疏解之曰。農率則田峻也。均田則審端徑遂也。金氏說蓋本此。

黃氏曰。言墾治之徧也。若夫修封疆審端徑術。則必命田正爲之

而農乃循也。筠案金氏之說。駁傳文也。以均字未有訓除者。故駁之。黃氏又駁金氏。而以墾治之徧

爲說。案周禮均人注。句均也。讀如營營原隰之營。

蓋出韓詩。鄭君注禮時。未見毛詩。說見禮記疏。

釋文。營音均。又音句。案所引者信

南山也。毛作昀昀。傳云墾辟貌。黃氏所說固合。然下文乃云。初服于公田。於此先言墾治。則事實不合矣。仍當以除田爲是。五穀根在地中。葉亦落地上。蕪穢不治。則防耕耨。故除之。傳曰。除田謂公田私田除之。必徧。均者徧也。非以除釋均。齊語及寒擊菓除田。菓同稿。以待時耕足爲吾說證。月令鄭注引農

書曰。土長冒櫟。陳根可拔。耕者急發。

周語韋注亦引之。土長作春土。



傳曰獺祭魚。

傳本獺下有獸字。筠案朱子所云傳本蓋傳崧卿本也。今儀禮經傳通解盡論爲傳。又或訛詩一切改之。又蔡氏本作獺獸獸魚。張氏曰據傳小正舊文當是獺獸魚。

其必與之獻。

與疑作謂。獻傳作獸。何

也曰非其類也祭也者得多也善其祭而後食之。

關本善作美。筠案獺祭獸傳亦作善。

十月豺祭獸謂之祭獺祭魚謂之獻。

傳云大獸及闕本作謂之獸。舊注一作謂之祭獸。以上文考之當作謂之獸祭。

何也豺祭其類獺祭非其類故謂之獻。

傳作獸。

大之也。

顧氏引高誘曰獺

取鯉魚置水邊四面陳之世謂之祭魚。

傳曰鷹則爲鳩鷹也者其殺之時也鳩也者非其殺之時也。

筠案傳者之意若曰非其鷹化爲鳩也。特以此時不殺謂之鳩耳。

善變而之仁也。

故具

大戴本作其。

言之也曰則。

傳本無曰字。

盡其辭也鳩爲鷹。

筠案以上文九月遷鴻鷹推之此當云五月鳩爲鷹。

變而之不仁也故不盡其辭也。

黃氏曰高誘曰鷹之鉤鳥以喙感春之仁其喙正直不復能食鳥矣時而取小鳥抱之以溫其爪朝

則縱之若與羣也則鷹而爲鳩矣。

筠案鷹化爲鳩月令仲春之弟四候也鄭注曰鳩搏穀也孔疏曰

周書時訓驚蟄之日桃始華又五日倉庚鳴又五日鷹化爲鳩至秋則鳩化爲鷹故王制云鳩化爲鷹

然後設罝羅司裘注中秋鳩化爲鷹夏小正云正月鷹化爲鳩五月鳩化爲鷹。

兩化字與今本不同。

鄭無所言則不

信用也。案孔氏謂鄭信仲秋不信五月然安知非錯簡乎。



傳曰農及雪澤言雪澤之無高下也。金氏曰雪澤猶凍解也及謂汲汲也。本之公羊傳及此凍解便往治

田。筠案此二句連下初服于公田解之是也。及字與初字正相呼應傳分爲兩事非也。黃氏曰雪澤雪之澤也雪化則已入土所謂無高下悉飫其澤

也。以上解傳澤如字讀朱子無音注是亦如字讀。老農藏雪以漬穀種螟螣之災不及焉。二句別一義。管子農耕及雪澤耕始焉則此澤

字卽釋也。此又讀爲釋與金氏同蓋本之周頌其耕澤澤釋文音釋釋附雅作郝郝釋文音釋又呼各反然管子正月令農始作服于公田農耕及雪澤耕始焉芸卒焉黃氏斷章亦欠明了。

傳曰初服于公田古者傳本無者字有公田焉者古筠案似當作故言先服公田而後服其田也。筠案此補經所未言也孟子曰公事畢然後敢治私事。

金氏曰孟子曰雨我公田遂及我私由此觀之雖周亦助也夏小正曰初服于公田由此觀之雖夏亦助也。

傳曰采芸。舊注芸似邪蒿可食。爲廟采也。關本一爲廟未也筠案傳本經亦作未芸。黃氏曰爲廟采當爲祭祀采也能使常芬且辟諸蟲。

類函作朝采恐誤。顧氏引呂氏春秋曰菜之美者陽華之芸。筠案說文芸艸也似目宿。漢無首宿字。

傳曰鞠則見鞠也。大戴無也字。者何也星名也鞠則見者。關本無鞠字傳本者作也。歲再見爾。金氏曰天文書不見鞠星。



古鞠菊通用。蓋謂鞠始苗也。九月榮鞠。則菊花也。黃氏曰。鞠星蓋黃星也。舜時黃星見。或夏后時亦有之。後書不見。無傳焉爾。筠案。羣經所有之星。多不與天文家同。如天黿龍虢。亦將以天文書不見

疑之乎。且專言天者。以甘石星經爲最古。而巫官蓋卽巫咸天福天維天剛。皆天官書所無。金氏說非也。舜

時黃星。當是瑞應。安爲每歲再見。黃氏說亦非也。竊憶鞠星蓋老人星也。是星近南極。秋分之曙見于丙。春分之夕見于丁。一歲僅再見。今京師在燕地。老人星在地平下。不得見。夏都安邑。當得見之。若謂見在春分。不當書於正月。則上文應則爲鳩。以孔疏所引時訓解推之。自桃始華至鷹爲鳩。凡十五日。次日卽當春分矣。抑或本文係錯簡乎。又案四月南門正。傳云歲再見。十月果再見。乃本傳云再見而七月不見。當有闕文矣。傳言再見者二。以彼例此。知是南極之星。經義述聞以爲北落。猶可。顧氏破鞠爲瓠。而以參昂例之。則在天之日多。安得云再見乎。

傳曰。初昏參中。蓋記時也。云斗柄舊注一作斗杓縣在下。言斗柄者。所以著參之中也。

傳曰。柳稊稊也者。關本無也字。筠案。傳本經作梯。本傳兩字皆作稊。二月見稊及傳中三稊字。朱子本作見梯。餘並從禾。大戴本則一切從木。顧氏依之。然自古字書韻書。並無此說。惟洪武正韻曰。梯。杜兮切。音題。木稚也。殆卽據大戴

發孚也。筠案。柳稊者。柳眼也。云發孚者。初生拳曲。孚甲苞之。解發則成葉。釋名云。甲孚也。萬物解孚甲而生也。黃氏曰。虞翻云。稊稊也。楊葉未舒。稱稊。筠案說



文玉篇皆無稊字。但有稊莢二字。爾雅釋草。稊莢。釋文曰。本又作稊。引莊子云。道在稊稊。而孟子則作莢。稊。易大過。枯楊生稊。鄭本作莢。劉琨勸進表云。生繁華于枯莢。即用大過也。衆經音義曰。稊。說文作莢。王弼易注。稊。楊之秀也。釋文亦作稊。是知稊字後作。時俗所便。即說文稊字。亦當是後人增。

傳曰。梅杏。地桃。則華。地桃。山桃也。

傳氏曰。關本地作施。非是。施音移。木名也。筠案任兆麟述記。地作櫛。據六月煮桃注改也。爾雅。木謂之華。

黃氏曰。梅古作某。

筠案說文。梅。柑

也。某。酸果也。本是兩物。經典則借梅爲某。用某爲誰某。

地小桃也。正月必花。實皆自隕。不可食。桃則兼食桃也。仲春桃始華。此不再記。

者。從其類言之也。

筠案小桃。正月花。梅即不盡然。否則正月必不花也。或是二月之文。錯簡在此。

傳曰。緹縞。縞也者。莎隨也。

傳氏引關本如此。從之。傳本作緹縞也者。而曰以下文及正文考之。當作緹者。莎隨也。朱子從之。誤也。關本與爾雅同。縞。縞不爲異。

緹也者。其實也。

傳本緹作縞。而引舊注曰。

縞一作緹。大戴作媼。案今大戴作緹。此由校者據爾雅改從女耳。上下文皆作緹。可證。

先言緹。傳本訛作得。

而後言縞。何也。緹

傳本訛作縞。

先見者也。何以謂之。小正以

著名也。

傳本以下衍小字。蓋謂小正之書。皆以其著見者名也。如榮蕓攝桑莠幽鳴鳩鳴弋之類。皆是。然雉震响。柳稊。王荳莠。則文法異矣。未可執一論也。

張氏曰。莎草可爲笠。亦可爲蓑。

黃氏曰。廣雅。地毛。莎藟也。

此由爾雅疏引來。王氏疏證作藟。即藟字見集韻。

筠案金氏本縞作藟。蓋依爾雅改之。非也。釋草。藟。侯



莎其實媿。郭注引夏小正曰：「瀟也者莎藟。媿者其實。」案爾雅經注：「蓋盡經後人改易矣。」說文：「莎，鎬侯也。」許君所用者，必爾雅古本也。蓋媿鎬兩名，本無專字，故小正借媿鎬。爾雅借媿鎬，且物名隨時而變，小正呼爲鎬者，爾雅則累呼爲鎬侯矣。爾雅呼爲莎者，本傳則累呼爲莎隨矣。

鎬侯雙聲。莎隨疊韻。案論語：「八士之名，達适突勿。」至今疊韻，夜夏古

在虞部。今在麻部。各爲疊韻。隨騶與莎隨互證。皆歌部字也。今讀增情贗字皆如古。

迨後有瀟之專字，遂以之改爾雅。郭氏引小正莎藟，邢疏引廣雅亦

然，不悟瀟爲藍蓼秀之專字也。

玉篇廣韻皆收瀟。蓋魏晉閒已有此字，故郭氏用之。

本草別錄云：「莎一名夫須，則卽是釋草之臺夫須

矣。」莎隨須三字雙聲，夫須疊韻。

傳曰：「雞桴粥粥也者。」

闕本无下粥字。

相粥之時也。或曰：「桴，嫗伏也。」

伏扶又反。

粥，養也。

黃氏曰：「易曰：『巽爲雞。』春秋說題

辭曰：「雞者，積陽所生，南方之畜。」孚之字從爪從子，伏子時以爪轉之，恐嫗之不均也。十八日則雞自坼而出。筠案：黃氏桴作孚，是也。說文：「孚，卵孚也。」廣雅：「孚，生也。」然古人作字，通借者多，偶增偏旁，不爲異也。方言：「雞伏卵而未孚，始化之時謂之涅。」郭注：「孚音赴，然則旣生之後，乃謂之孚。」傳文上粥字，當音祝。相粥之時也，各本同。朱子本時字作黑釘。段氏說文注云：「一本作相粥粥呼也，似當云粥粥相呼也。」謂雞母粥粥然呼其雛也。淮南子曰：「雞呼卵，粥借字說文。」粥呼雞，重言之，則正字也。雞聲粥粥，人效其聲。



以呼之耳。

博物志曰。呼雞以祝祝。與翮同音。風俗通曰。呼雞朱朱。則轉音也。然曰祝翁善養雞。朱公化爲雞。則附會之說。

下粥字當音育。樂記曰。羽者嫗伏。爾雅曰。生噉雛。

謂其能自食也。然得食相呼。仍是粥粥然。

二月往纓黍禪。

纓音疊。禪音丹。

初俊羔助厥母粥。

筠案粥當音育。

綏多女士丁亥萬用入學祭鮪。

鮪位軌反。榮莖。莖居隱反。

采蘩。昆小蟲。

抵蜺。

蜺直其反。

來降。

傳本來訛。未傳則不訛。○傳氏曰。關本小蟲傳自昆簡。誤列於五月以下。脫承煮梅之下。蕘圃校之曰。此注當在時有見梯始收下。當作關本自昆小蟲以下。脫簡。誤列於五月。承煮梅傳之下。煮梅字亦疑誤。筠案當在上文昆小蟲

下。當作關本小蟲傳。自昆以下。脫簡。誤列於五月。承煮梅之下。蓋此及始收傳未校語。本是一事。此原其始。彼要其終。惟此少彼多。是其疏闊耳。

燕乃睇。

睇特計反。剝鯁。鯁常演反。

有鳴倉庚。榮芸。時有見梯。

筠案見當。始收。嘗賢徧反。

傳曰。二月往纓黍禪。

關本黍作柔。

禪單也。

傳本脫單字。

金氏曰。纓當作種。二月漸煖。纓黍者可衣單。

張氏曰。二

月非種黍之時。此謂纓其種黍之地耳。

五月乃記種黍。

黃氏曰。往。往于田也。所謂四之日舉趾也。黍之言暑

也。以大暑種。書大傳曰。夏昏火中。可以種黍。菽。纓黍。爲黍而纓也。孔子曰。黍。穀之最貴者也。以薦宗廟。

尸始飯。必以黍。故特言黍。

此句最活相。秦風毛傳曰。四簋黍。稷稻粱。黍居首。故以黍統其餘也。

尊黍也。衣單。勞力者於是已。不急衣也。筠案金



氏誤解耨字。張氏說亦未深切著明。耨。唐石經五經文字並作耨。說文曰。耨。摩田器。引論語耨而不輟。論語鄭注曰。耨。覆種也。孟子曰。播種而耨之。孫疏以鋤釋耨。玉篇。耨。耨也。與鄭已不同。金氏習熟論語義。是以誤解。不知耨別有一義也。漢書音義。晉灼曰。以木槌塊曰耨。秦始皇本紀。如淳曰。耨。椎塊椎也。然則其器曰耨。用以椎塊亦曰耨。動靜同字也。耨黍也者。爲將種黍而耨也。旣耕而鑿之。塊之堅确不解散者則須耨。又案黃氏云。以大暑種。本之說文。然只是言大熱。非六月中氣之大暑。汜勝之書曰。先夏至二十日可種黍。是也。又案傳曰。禪。單也。似謂禪爲單之借字。

雞桴粥之桴是其比

單當讀如俾爾當厚之單。鄭

箋。單。盡也。謂耨黍之功畢也。與農率均田相應。若單仍是禪。則不須訓釋。且不當以單之借字釋禪之專字也。又案說文。黍。禾屬而黏者也。糜。稌也。稷。齋也。五穀之長。稌。稷之黏者。許氏說最分明。今人訓黍爲高粱。是稌也。月令首種不入鄭注。首種謂稷。鄭君墓在吾安邱。安邱至今先種稌。

傳曰。初俊羔。助厥母粥。俊也者。大也。粥也者。養也。言大羔能食草木而不食其母也。羊蓋

傳本無羔。引關本作蓋。舊注蓋

一作

非其子而後養之。善養而記之也。

顧氏引黃氏曰。他獸非其子不乳之。獨羊有乳鹿者。是非其子亦養之也。孔氏曰。羔長大不食於其母。母乃有餘乳養非其子者。若羔能助母養然。故善而記之。

或曰。夏

大職有養祭

案養祭不見他經。爾雅。夏祭曰禘。郭注。新菜可汙。何休。傳本有

者用羔。

豳風。四之

是時也。不足喜

曰夏祭尙麥魚。始熟可汙。故曰禘。豈因此而謂之養與。祭也字。



關本樂音傳本作善洛喜作善

羔之爲生也。而記之與羊牛。

傳氏曰舊注。一本作羔羊。

腹時也。

顧氏曰腹生也。謂羊牛孕字時。在腹之羔始大。于腹中。於時犧牲不用牝。以子故全其母。故曰初俊。

燕助厥母粥與者疑辭。傳以又一說故著疑辭也。

黃氏曰。羊之言祥也。草必擇而食之。智也。董子曰。有角而不牴。仁也。至死不哀。

鳴。守義也。跪乳禮也。四德具焉。

傳曰。綏多女士。

關本綏作綏。筠案綏似綏之訛。古書綏多作綏。

綏安也。冠子取

朱子本作娶。

婦之時也。

冠古亂反。

金氏曰。周禮會合男女。卽此

也。男有室。女有家。所以安之也。

筠案傳兼言冠昏。金氏但言昏。蓋是也。詩甫田曰。以穀我士女。孟子

曰。綏厥士女。男貴女賤也。此作女士與咸卦男下女同義。蓋主昏而言。且士冠禮言夏葛屨。冬皮屨。是

四時皆可冠。知夏禮不必異於周禮者。三族有故。則吉凶不可竝行。不得拘以二月也。卽本書二月。周

禮亦言仲春。周南桃夭。召南標有梅。皆要其終之詞。邶風曰。迨冰未泮。荀子大略篇云。霜降逆女。冰泮

殺止。則知婚不得過二月。故曰多。非必二月始婚也。

傳曰。丁亥萬用入學。

月令鄭注引用作舞。

丁亥者吉日也。萬也者。干戚舞也。入學也者。

傳本入學者。

大學也。

傳本大作太。

謂今時

大舍采也。黃氏曰。入學用丁。馬融謂取文明之義。若亥於陰陽法爲天倉。宜稼于田。入學不必亥也。

舍采高誘謂釋采幣以禮神。筠案丁亥者。舉似之詞也。少牢饋食禮曰。來日丁亥。鄭注曰。丁不必亥。



也。直舉一日以言之耳。經上文曰日用丁巳。音紀注曰：內事用柔日。案甲歷起于甲寅，則六丁始于丁巳。

終于丁未，而丁亥居其中。關中以言之，則六丁皆可用。兼容六己之皆可用矣。抑或丁巳用十干之中，不用首尾，故舉丁亥以見六丁不用首尾乎？金仁山疑以干取丁，以支取亥，不知古人諏日，但用十干。

月令仲春，上丁命樂正習舞釋采。

此依周禮大胥鄭注所引。今本月令作采者，大胥春入學舍采合舞。鄭司農注云：舍采，謂舞者皆持芬香之采。或曰：士見于師以采爲摯。采直謂蔬食菜羹之采。鄭康成曰：舍

卽釋也。采讀爲菜。蘋蘩之屬。案此則是習鄭學者直改月令也。

仲丁又命樂正入學習樂，皆但言丁也。

周禮鄉士鄭注：和合支幹善日。此乃漢俗，非古法。楚語曰：百姓夫婦擇其令辰。章注：辰，十二辰也。案

百姓者卿大夫也。祭日主辰與少牢饋食禮異。九歌亦曰：吉日兮辰良。李注：日謂甲乙辰謂寅卯也。豈楚爲蠻夷其俗固異乎？

戴以干戚釋萬，不及邶風簡兮毛傳以干羽釋萬爲

完備。廣雅萬大也。韓詩萬大舞也。文王世子春夏學干戈，秋冬學羽籥干戈武舞，羽籥文舞。毛公曰：干羽合二舞而名之曰萬，故曰大也。本傳則遺文舞矣。傳者曰：今時未知爲何時，然是親見其禮，故云然。先鄭後鄭則皆未見而揣測之詞。

傳曰：祭鮪，祭不必記。記鮪，何也？鮪之至有時，美物也。鮪者，魚之

關本脫之字。

先至者也。而其至有時，謹記其

時。金氏曰：此卽所謂春獻王鮪者也。

見周禮敝人。

筠案：衛風碩人毛傳曰：鮪，鮪也。

說文謂之鮪鮪。史記作鮪鮪。

釋文云：鮪似



壘山穴卽  
丙穴也博

物志謂之岫穴。

朱子

大作色·戴

大城菜

由胡。

問。由

者、藝

惟此則上

然繁  
母

藥方

傳本無此四字

韓本方作萬。方勃卽旁勃。俗作磅礴。荀子禮論。方皇周浹。方皇卽傍徨也。

實山

者以言皆

豆實 生采。

兩事。連類。

故記

黃

内訓

且以

案二句  
出鄭注。

爾雅草  
謂之榮。

筠案說文堇黏土

致

恨如

如  
細

食

切·居隙

兩字

聖不

經面

繁

詩禮

比自

作菹。然說文云甘。而大雅縣箋云。周原肥美。其所生菜。雖有性苦者。甘如飴也。蓋爾雅云。齧苦菹。郭注云。今菹葵也。葉似柳子。如米。汋食之滑。是知菹有甘苦二種。古本一名。後乃別名之曰齧。爾雅謂之苦。

爾雅又曰芄草此芄字蓋  
芄之訛與詩禮之芄無干

黃氏曰。有青蒿。不可



食惟白蒿味美陸璣

三國吳人烏程令或謂卽陸士衡非也

詩疏云春始生及秋香美可生食又可烝一名游胡

隱公三年左傳正義引陸疏作

遊胡又引夏小正傳亦作遊胡且曰遊胡卽爾雅繁由胡也可知非傳寫之訛

北海人謂之旁勃蓋繁之言繁也采食其上體四旁皆勃然生故謂之

旁勃

筠案旁勃又作旁溥旁魄雙聲字也乃形容之詞不可据字鑿求

謂其母曰由胡由此而叢生散出如胡也

此說更鑿說文胡牛顛垂也詩狼跋其胡散出者安能似之爾雅繁由胡

與繁譌蒿分列兩處爾雅乃衆手纂記之書不足爲疑惟其字作繁與大戴同或古本如此邪

筠案廣雅曰繁

亦不從艸

母旁勃也王氏疏證曰繁母疊韻也旁勃

雙聲也一作彭敦御覽引神仙服食經云十一月採彭敦彭敦白蒿也

方言不同故名目不同彭旁雙聲古音則是疊韻敦與勃同

傳曰昆小蟲抵氐昆者衆也由魂

筠案傳本作猶魂猶由古通衆經音義引此經及傳曰蛄小蟲也蛄魂也魂魂然小蟲動也竊合兩本從之謂昆猶魂者以音解義也白虎通曰魂猶汙汙也行不休于外也傳者

以蟲之蠕動蚊行雖于形容故以魂解之

魂魂也者動也

據元應引增一魂字內觀經曰動以營身之謂魂顧氏引大元解曰魂魂衆多之貌也

小蟲動也其先言動而後言蟲者何

也萬物至

大戴脫至字

是動而後著

筠案動字當有重文萬物至是動者謂萬物至二月而後動也動而後著者謂物動而後蟄之書也著卽上文所云先言動緹縞傳曰小正以著名也是也

抵猶推也

推土氐蠓卵也

蠓魚豈反卵盧短反

爲祭醢也取之則必推之推之不必

韓本作必不

取取必推而不言取

邵氏爾雅正義引云故言推而不言取顧



氏引爲戴東原之說

金氏曰爾雅邢疏蠋子在卵者名蜥此云昆及小蟲之微大抵皆卵屬也 筠案傳連兩句

而解之金氏亦然而訓以大抵小正無此文法云昆及小蟲亦不可解又云卵屬蟲豈可謂之卵若謂是卵生則蟲大都溼生化生也王制昆蟲未蟄鄭注昆明也明蟲者得陽而生得陰而藏說文字作蝨云蟲之總名也本傳獨謂之衆者蓋謂於衆小蟲之中推擇其蜥也則必有取有不取矣仍合兩句而說之天官醯人饋食之豆蜃蜺醯

傳曰來降燕乃睇燕乙也

筠案邨風燕燕毛傳曰臚也釋文音乙本又作乙郭鳥拔反郭音是也字當依說文作乙非甲乙之乙

降者下也言來者何也莫能見其

關本無其字

始出也

案此亦過當之論也九月既書其蟄蟄于何所卽出于何所矣且春鳥如桑扈棘鴈之類其來皆有定時亦誰見其始出乎月令元鳥至之日以大牢祠于高禩天子親往其禮鄭重如此安得不謂之來降乎黃氏曰詩天命卒鳥降

而生商孔氏曰謂之降者重之若自天來也

故曰來降言乃睇何也睇者眄也

眄者視可爲室者也百鳥皆曰巢突

穴

案鳥獸巢穴又有窟窠兩名突字未有訓爲巢穴者惟說文無窟字土部堀兔堀也然此當爲後增之字其上文已有堀突也引詩蟬蜩堀堀或者此突卽穴乎廣雅疏證引經文曰來降燕乃睇室引傳曰百鳥皆曰巢室穴也恐是以意改之未必據本卽然

取與之室何也

關本無之字案取與當作其謂正月傳朱子注與疑作謂八月傳其謂之鳥何也皆可證

摻泥而就家人

關本大人內也

摻所變反筠案似多訛誤未可強通說文無摻字故遵大

路之摻魏了翁謂魏晉閒避曹操諱改操爲摻然操者持也燕子銜泥持義不合就家二字文不成義若謂爾雅其內謂之家家卽是內則重複若謂漢書鼂錯傳一堂二內注云二房也据此而以就家與入人內爲兩事言不但就人之家且入人之內則古云燕雀處



堂今亦未有入房中者。大意謂其巢人室中耳。其詞則難曲爲之解。

金氏曰。月令所謂元鳥至者也。

筠案本文與陟元鳥蟄文法同。來謂之

降。去謂之陟。皆神之也。降與陟。陟與蟄。皆兩事。不以燕與元鳥冠句首而介乎其閒。此古人屬詞之美。

傳曰。剝鱣。

關本鱣作鱣

以爲鼓也。

筠案說文。鱣。魚也。皮可以爲鼓。唐韻音常演切。非也。說文說鱣曰。非蛇

鱣之穴無所庇。此乃食品之黃鱣。當常演切。若冒鼓之鱣。則集韻曰。鼉。唐何切。或作鱣。是也。惟是月令季夏取鼉。鄭注尙以周禮駁之。此在二月。不更早乎。

傳曰。有鳴倉庚。倉庚者

關本脫者字

商庚也。商庚者長股也。

筠案爾雅無長股之名。而有皇黃鳥鷺黃楚

雀鷺黃五名。方言曰。鷺黃。唐人倒之曰黃鷺。鷺黃之變也。說文作離黃。云鳴則鷺生。小正記此。蓋爲三

月始鷺之兆端。

經義述聞之說。見四月鳴蜩下。

又案經義述聞曰。有字。後人據豳風七月加之。下文鳴鳩鳴札。鳴蜩鳴弋。

無言有鳴者。竊謂此及浮游有殷。時有養夜。皆不必言有。乃言之者。欲其成文也。禹貢。齒革羽毛。惟木。

淮夷蠙珠。暨魚。加惟字暨字。亦欲其成文也。此正是夏后時文法。鳴鳩之類。兩字則成文。不須加有。

其鳴

字在句末者。鷺鷥一字爲名。皆言則鳴。唐胡寒蟬兩字爲名。皆但言鳴。然則本文若倒之。必曰介庚鳴矣。文法偶變。不必深求。



傳曰榮芸。筠案此經繼正月采芸而記之。芸固見前而亦不爲榮作訓釋者。上文榮莖亦不釋。蓋是時華榮之稱皆爲恆言。故不釋也。既不釋矣而猶述經文者何。傳旣與經別行矣。不述經文則人疑其漏也。此例也。至宋猶然。單疏本爾雅無疏者亦述郭注。今本注疏合併而仍出無疏之注亦令人疑也。後文但出經文而無傳者放此。

采芑。傳曰蘧也。筠案述記有此經及傳。任氏曰此見類函舊本竝闕。今案初學記引亦竝有。是唐本未脫也。然說文蘧下祇有蘧麥一說。非可食之物。又收蘧字云菜也。似蘇者當與此文相當。詩文王有聲毛傳芑草也。鄭注表記曰芑枸櫞也。廣雅釋草枸乳苦杞也。地筋枸杞也。皆大雅之芑。非小正之芑。小雅菜芑傳曰芑菜也。陸疏云芑菜似苦菜莖青白色摘其葉白汁出。脔可生食亦可烝爲茹。齊民要術

引詩義疏蘧苦葵也。青州謂之苞。

案此蓋小正之芑。但與似蘇不合耳。今本皆無此文。故不補於經。後放此。經文榮莖

之下。傳本云菜也。大戴云菜色。顧氏曰據初學記當作采芑。舊說芑蘧也。案蘧卽今苦蕒。

如此則榮莖無說矣。以別作一

條爲是。



傳曰時有見稊。大戴作梯。下同。始收有見稊而後始收。是小正傳云大戴序也。小正之序時也。皆若是也。稊者所

爲豆實。筠案似當云所以爲豆實。傳氏曰。關本自也。皆豆實也。以下脫簡在五月。承又言之。時何也。之後。張氏曰。草木之萌蘖。可爲豆實者。如筍蒲椿楮之屬。

三月參。傳本作參。傳同。八月經傳亦同。正月五月皆作參。則伏攝桑萎楊。傳本作揚。傳兩見竝同。非。又引舊注曰。萎一作苑。韓刻大戴本作委。顧氏於經從韓。於傳作楊。則苑非也。桑攝而記之。楊則萎而後記之。兩句相承。攝不易字。

則萎不當易字明矣。晉語曰。人皆集于苑。宋庠音鬱。章昭曰。茂木貌。則顧氏亦不須破爲苑。然此所以記時也。攝桑之時。楊安能苑茂。當九九將盡。楊穗先生。形如毛蟲。而無實。穗落而后葉生。安得謂之花。且漢安得有花字乎。羴羊。穀則鳴。斛。

頒冰采讖。妾子始蠶。執養宮事。祈麥實。越有小旱。田鼠化爲鴽。鴽音如。拂桐芭。鳴鳩。顧氏曰。鳩。鵲鳩也。司事之鳥。春來冬去。爾雅謂之鵲鳩。月令季

春。鳴鳩拂其羽。鄭注。趨農急也。

傳曰三月參則伏。顧氏曰。夏時三月。日躔寶沈。故參伏。伏者非亡。大戴作忘。之辭也。星無時而不見。我有不見之時。故曰伏云。筠案上見

字賢通反。下見字如字。讀經星附天而行。是謂無時而不見。然晝在天上者。爲日光所奪而不見。夜在地下者。爲地所蔽而不見。故我有不見之時。本經所謂伏。則別一義。經星在第二重天。日在第六重天。下能蔽上。故伏。五月日躔鶉火。中隔一次。故復見。

傳曰攝桑。桑攝而記之。傳本朱子本無下桑字。急桑也。張氏曰。葉始出而尙合。黃氏曰。葉未敷而已記之。故曰



急桑也。筠案此又爲下文始蠶記也。顧氏引孔子曰。攝讀如爾雅葉晝聶。謂桑葉始生未舒之貌。

傳曰。萎楊。楊則花。

傳本引舊注。花一作苑。案傳氏於經引舊注。萎一作苑。知此花字亦萎之訛。

而後記之。

筠案則也者。承上急桑而言。

黃氏曰。楊花必委地而後記。

之。非所急也。

黃氏從韓本作委。然萎亦艸木零落之謂。小雅谷風。無木不萎。

傳曰。羴羊。羊有相還之時。

筠案還當音旋。

其類羴羴然。

舊注。羴羴一作羴羴。幾間校本。羴作羴。

記變爾。或曰。羴。羴也。

羴丁奚反。

黃氏曰。羴之

言罔也。埤雅。羊性善羴。每一羣以一雄爲主。衆牝羊皆聽之。蓋若牛馬之游牝于牧也。

筠案傳文兩

義。黃氏說上五句似爲相還作注。然與名苑說麀相似。

其說曰。鹿之大者曰麀。羴鹿隨之。皆視麀所在。麀尾所轉爲準。

非羊之性。若謂以一

大羴羊領之。則一常事。不當屬之三月。亦未有一羣而祇一雄者。末一句則爲羴也。

羴。牡羊也。

作注。然與上

文不貫。鹿之風合。一麀而數麀環之。羊亦不然。案羴字。玉篇廣韻皆不收。集韻始收之。曰。羽鬼切。音羴。

羴羴羊相逐貌。一曰羴也。似卽据小正爲說。然改相還爲相逐。相逐亦常事。不當專屬三月。竊疑羴卽

說文羴字之訛。

羴於詭切。與羴雙聲。

各書皆云羊相羴羴。而未解其義。似當與周禮委積同義。羊性寒則散。熱則

聚。且互相登陟。如積薪然。三月初煖。故記之。告人夜當驅而散之也。故曰記變。非常事也。至羴也。一說



本不通。上文攝桑萎楊皆上字是事。下字是物。若羝羊是羝羊。不言其事。不可通也。經義述聞曰。其類當作其類。

傳曰。穀則鳴。穀。天螻也。

螻音樓。傳本訛螻。筠案穀胡木反。

筠案穀天螻。釋蟲文。郭注曰。螻。蛄也。卽引小正此文。說文螻

下云螻蛄也。一曰穀天螻。則是別之爲兩物。方言螻蛄。或謂之螻蛄。或謂之天螻。說文或卽指此。然螻

蛄爲鳴。將雨則鳴。螻蛄不能鳴。當各隨文解義。不可膠爲一說。

傳曰。頒冰。頒冰者。

傳本作也者。

分冰以授大夫也。

關本以授大夫也。

金氏曰。月令仲春開冰。而夏用三月。筠案金

氏誤。月令云先薦寢廟。非頒也。左傳曰。獻羔而啟之。公始用之。

與月令合。

火出而畢賦。自命夫命婦。至于老

疾。無不受冰。

與大戴合。

天官凌人。夏頒冰。是知夏后氏頒冰早于周。

傳曰。采讖讖草也。

傳云六戴草作早。

金氏曰。讖。高作職。爾雅。職。黃蔕。江東以作菹食。

筠案金氏不以小正駁

爾雅。反以爾雅駁小正。誤也。郭注。職。草葉似酸漿。華小而白。中心黃。江東以作菹食。金氏混經注而引之。亦乖體例也。說文蔕。下云。黃蔕。職也。亦當依小正作讖。說文職。職二字之音義。正與今之經典互易。



蓋識草古無專字。故小正爾雅皆作識。其音則如織。說文當本是黃蔭識也。即用爾雅。玉篇始有專字。作織。可知其字當音織。廣韻作識。即由小正之識加以艸也。或曰識苦參也。

傳曰。妾子始蠶。先

傳本無先字。

妾而後子何也。曰。事有漸也。言自卑事者始也。

傳氏云。當云言事自卑者始。或無也字。

張氏曰。妾

媵御子內子。

傳云自卑者始。故蕭菴云。然卿之內子見魯語。距大禹元年。凡一千六百餘年。不知稱謂同制否。且省內子爲子。男女無別矣。大夫稱子。顧氏引皇侃曰。妾外內命婦子。外內子女。

筠案正月記祭

未用暢。必天子事也。而不記王之耕藉。三月記妾子始蠶。而不記后之躬桑。何也。此所謂小正也。其大事自別有典籍也。然則妾子蓋自是奴婢耳。月令曰。禁婦女毋觀。省婦使。以勸蠶事。是也。

傳曰。執養宮事。執操也。

操七刀反。

養長也。

長丁丈反。

黃氏曰。執專執也。月令所謂禁婦女毋觀。省婦使。以勸蠶事。

也。

此經鄭注。連引妾子始蠶。執養宮事。

日過分而長。執事亦與之俱長。宮事者。勸民之化。自宮中始也。

筠案黃氏連說之。

然傳分爲兩條。且經云宮事。不云蠶事。恐本是泛言。三月日漸長。則事功亦當餘于往日。此統以後數月之養日而言之。不但爲三月記。又黃氏以宮爲宮闈。亦非爾雅。宮謂之室。室謂之宮。釋文曰。古者貴賤同稱宮。大戴禮千乘篇云。百姓不樂其宮。是也。婦功在室中。故言宮事耳。

傳曰。祈麥實。麥者。

大戴麥實者。

五穀之先見者。故急祈而記之也。

黃氏曰。黍稷神農之世已有。惟麥。后稷



始別識之。故頌曰：貽我來牟。劉向引詩作釐麤而說之曰：釐麤，麥也。始自天降，名之曰來，謂至是始來。

曰牟，倅也。其功與黍稷倅也。

周頌來牟，毛鄭及諸家皆以爲一物。惟說文以來爲小麥，牟爲大麥。黃氏說亦未甚分明。

傳曰：越有小旱，越于也。

案釋詁，粵于也。郭注引詩對越在天，是粵越同字。

記是時

傳本時作事

恆有小旱。

筠案此及四月越有大旱，皆爲

常雩記也。不記雩祭，亦小正不記大禮也。周禮司巫若國大旱，則帥巫而舞雩。此無定期者也。惟三四

月往往有小旱大旱，於麥有害，故常雩定在四月。今禮猶然而月令仲夏乃大雩，故鄭君以龍見而雩

左桓五年傳駁之。

傳曰：田鼠化爲鴽，鴽，鵲也。

鵲鳥含反

變而之善，故盡其辭也。鴽爲鼠。

筠案當云八月鴽爲鼠。

變而傳本無而字

之不善，故不盡其

辭也。經義述聞曰：化當爲則。正月鷹則爲鳩，五月參則見，鳩則鳴。傳皆云盡其辭，皆指則字言之。筠

案此亦不盡然。如鞠則見，猶可曰不常見之星，故盡其辭。至如梅杏桃李則華，參則伏，鼗則鳴，斗柄縣

在下則旦，辰則伏，參中則旦，熊羆貉貉則穴，織女正北鄉則旦，祇是屬辭之常。卽鷹則爲鳩，鳩爲

鷹，田鼠化爲鴽，鴽爲鼠，祇是以辭有繁省，分盡不盡耳。況省田鼠爲鼠，亦是屬辭當然。又可泥田字有

無以生義乎。



傳曰拂桐芭拂也者傳本無此三字拂也桐芭之時也傳氏引舊注一本拂也者桐芭之時也或曰言桐芭始生貌拂拂然也筠案

說文葩艸華之白也葩華也而無芭字芭蓋葩之省也然楚辭九歌已有芭字

傳曰鳴鳩言始相命也玉鶯鳴聲相命也鳴命聲韻謂其呼朋引類也然二月有鳴倉庚無傳則亦脫佚矣五月鳩則鳴傳亦曰鳴者相命也可證先鳴而後鳩何也鳩者鳴而

後知其鳩也經義述聞曰鳩者二字衍文十二月鳴也傳可證○傳氏曰關本自鳩言始相命以下脫簡在二月傳承山胡者繁母今以大戴正其誤

四月昂則見見賢初昏南門正鳴札囿有見杏筠案見當同上鳴蜮蜮音或王蓺莠蓺房九反取荼莠幽越有大旱執陟攻駒

傳曰四月昂則見顧氏曰夏時四月日躔鶉首昂在日後朝見東南隅筠案爾雅大梁昂也二月日躔大梁不記昂則伏亦闕文

傳曰初昏南門正南門者星也歲再見一大戴作壹正蓋大正所取法也筠案南門亦近南極之星故歲

再見與鞠同一正者十月但云南門見則此云正者正子午也大正所取法未詳顧氏引惠氏棟曰大正疑即周語所引夏令等篇又

引孔氏廣森曰此篇之文對彼爲小故以小正名筠案夏令等書傳者果見之則何以云蓋又何以不稱夏令時儼而杜撰一大正之名乎且庫樓爲兵車之府南門在其南主守兵則直是庫樓之門耳似謂建國置塾之法然定之方中揆之以日毛傳曰度日出日入以知東西南視定北準極以正南北考工記匠人云爲規視



日出之景與日入之景。晝參諸日中之景。夜考之極星。以正朝夕。晏子雜下篇云。古之立國者。南望南斗。北戴樞星。天樞也。卽極星。去北辰甚近。是知古人辨方正位。北皆準之北極。南雖有營室南斗之不同。而未有及南

門者。蓋出地不高。故歲僅再見。北方卽不能見。不可用也。傳者蓋言此以表其正焉而已。故云蓋。蓋者無徵之詞。又疑正下有闕文。六月之斗柄。七月十日之織女。皆言正。而云正在上。正東鄉。正北鄉。不止正字而已。是知正本非中。故正月八月之參中。五月之大火中。自成文法。與言正者不同。況南門二星。雖屬角宿。然西一星直角二度。東一星直氏四度。相距二十四度。豈能於中央無星處取正邪。

傳曰。鳴札。

筠案綱目前編作蜚。近字也。述記作驚尤謬。

札者甯縣也。

縣音懸。筠案爾雅郭注引夏小正曰。鳴蜚。虎懸。懸乃俗字。甯之與虎。則皆無他證佐。

鳴而後知之。故先鳴而後

札。筠案爾雅蜚蜻蜻。郭注。如蟬而小。引方言云。有文者謂之蜚。案方言又曰。蟬其小者謂之麥札。詩碩人。螭首。毛傳。螭首額廣而方。鄭箋。螭蜻蜻也。然說文不收螭字。頁部額。好兒。詩所謂額首。然則毛詩本作額。今作螭者。後人据箋改之也。就文又無蜚字。爾雅邢疏引某氏曰。鳴蜚蜚者也。案古詩。札札弄機杼。此蟲既以聲命名。知爾雅亦本作札。

傳曰。罔有見杏罔也者。

傳本作罔者。

山之燕者也。

筠案山當依正月傳作罔。

黃氏曰。盧譔祭法曰。夏祠用杏。

筠案杏紅



則非葉所能蔽。故曰見。初有紅者。故曰有。傳曰。鳴蜮。蜮也者。傳本作鳴蜮也。或曰。屈造之屬也。經義述聞曰。

莊氏寶琛曰。倉庚不名長股。或曰二字。亦與蜮也者不相屬。長股也三字。當在蜮也者之下。或曰之上。

引之謹案。周官蠮氏。鄭司農云。蠮當爲蜮。蜮。蝦蟇也。元謂蠮。今御所食蛙也。筠案。月令孟夏。蠮蟇鳴。鄭注。蠮蟇。蛙也。蛙。說文作蜺。蜺。蠮也。蠮。今謂之。

蠮。蠮蟇也。二字皆烏。名醫別錄曰。蠮一名長股。是其證。筠案。廣雅。蠮。長股也。是別錄所本。述聞又曰。爾雅。蠮蟇蟇諸。玉篇注。

作去。蠮。去。蠮。蟇轉爲鼓造。淮南說林篇。鼓造辟兵。文子上德篇。鼓造作蟇蜮是也。再轉爲屈造。鄭司農。

注。敍官蠮氏曰。蜮。蝦蟇也。屈造。蟇諸也。似蝦蟇。故曰蜮也者。屈造之屬也。筠案。此說則蜮者。今所謂蛙也。可食。屈造者。今所謂蝦蟇也。不可食。

案先鄭曰。蠮當爲蜮。後鄭以蜮乃短狐。駁之。蓋古祇有蜮字。後乃別爲兩字。分訓爲蠮與短狐也。說文。

以或爲古域字。而鐘鼎文國字皆作或。惟齊侯匚作國。周距末作國。可知國字後作。或是古國字。故說。

文。蜮或作蠮。而說以短狐。猶先鄭說蜮以蝦蟇也。當參伍考之。不可拘定一說。

傳曰。王荳莠。月令孟夏。王瓜生。鄭注。王瓜。葦挈也。孔疏。王瓜。葦挈。魯本草文。類篇曰。藥草。今月令云。王荳生。夏小正云。王荳。

莠。詩七月。箋。未聞孰是。桂未谷曰。王荳生。呂氏春秋作王荳生。高注。荳或作瓜。瓠。瓠也。郭注。穆天子傳。荳。



今苦字。顧氏引本草。蒼生田中。葉青刺人。有實。七月采。筠案下文莠。幽莠。藿。葦。萃。莠。金氏或曰。當爲秀。或曰。讀爲秀。且以取茶莠絕句。是如字讀矣。蓋未知字本作秀。今作莠者。以避光武帝諱而然。鄭注周禮。掌茶曰。茶。茅。莠也。又注考工記。鮑人云。當如茅莠之色。釋文曰。莠音酉。又音秀。廣韻集韻皆引說文。菰。茅。莠也。今本作秀。亦是改還本字。今經典皆已改還本字。獨遇茅莠則不改者。二物相近。故人忽之也。惟小正經傳

皆不改。而灌茶傳有兩秀字。

大戴朱子本同。

傳本亦竝作莠。

古今注。秀之字曰茂。然泛言秀。發美秀。可以茂代之。作穗字解者。不可代以茂。是以加艸爲莠。

傳曰。取茶。茶也者。以

關本無以字。

爲君薦蔣也。

金氏曰。茶。苦菜也。卽今苦蕒。

筠案。苦蕒又名苦蘗。又作苦苴。非爾雅所云苦菜。邢疏云。苦菜葉似苦苴而細。

斷之白汁。花黃似菊。夫既云似。則非一物明矣。晉卿至今呼爲苦菜。

張氏曰。茶有二。詩誰謂荼苦。此苦菜也。有女如荼。此茅莠也。

箋云。茅莠亦後人改復者。此及

七月之茶。尙是兩物。此茶乃自牧歸荑也。初生曰荑。四月秀爲茶。高二尺許。

茅莠輕白。故以狀女色。傳謂薦蔣者是。

筠案。薦者藉也。蔣當同廣雅

之蔣。席也。七月灌茶。傳亦曰爲蔣楮之也。既夕禮記。茵著用茶。注。茶。茅。秀也。案此乃送死之茵。尙著

丁古

切同古。

以茶。古人布席于地。若僅下莞上簟而寢。豈不畏冷。知必有茶。薦於蔣下矣。韓非子十過篇曰。蔣



席額緣。是知蔣者。古文通借字。籀則後作之專字。然字書蔣字。皆少此訓。古無梱櫛字。故小戎曰文茵。左傳曰追辟。字皆從艸。

傳曰。莠幽。張氏曰。莠幽未詳。幽風四月莠葍。得非以葍幽聲相近而誤與。幽葍在今爲雙聲。在古爲疊韻。然謂之誤則非。國策。幽莠之秀也。似

禾是幽爲草名。之見他書者。毛奇齡曰。小正莠幽。詩秀葍。一也。黃氏曰。秀葍。鄭疑爲王萑莠。筠案此見詩箋。桂未谷曰。穆天子傳。茅葍兼葍。是葍葍不同物。

陳翥則以爲秀幽。李迂仲云。鄭氏誤。按內經註引月令作吳葵華。吳葵卽葍。然則秀幽之爲秀葍。蓋亦

有本矣。或曰。要卽遺志。釋草。葍繞。棘薺郭注。今遺志也。案要繞卽字爲名。與葍一字爲名異。

傳曰。越有大旱。記時爾。金氏疑本經之上必有闕文。張氏曰。以幽字作句。故疑有闕。

傳曰。執陟攻駒。執也者。始執駒也。關本始執駒。執駒也者。離之去母也。陟升也。此三字。大戴傳本朱子本皆無。鈔本有。或據正月傳增之。與姑從之。執

而升之君也。攻駒也者。教之服車。數舍之也。筠案數。所角切。舍音捨。初使駕車。故數駕數說。音稅。恐傷

其力也。然此傳似皆誤。夏官牧師云。中春通淫。校人云。春執駒。先鄭注曰。執駒無令近母。猶攻駒也。案此蓋卽用本傳說。後鄭駁之曰。執猶拘也。春通淫之時。駒弱血氣未定。爲其乘匹傷之。乘匹卽通淫也。案此則



執陟云者。陟卽騶也。說文。騶牡馬也。

洪範有騶字。是商周閒字。或夏時尙無之。故用陟。然釋詁曰。騶陞也。則騶義仍同陟。乘匹必牡。陞牝上。月令謂之騶馬。亦同此義。

月令季春。乃

合累牛騰馬。遊牡于牧。仲夏。游牝別羣。則繫騰駒。卽此所謂執陟也。月令在仲夏。此在孟夏者。猶之周禮通淫在仲春。是周初之制。月令則在季夏。是秦時之制。時易事異也。且傳曰。執而升之君。則校人曰冬獻馬。注曰。見成馬于王也。是也。大戴禮本命篇云。馬十二月而生。是今年仲春通淫。來年孟春乃生。至冬卽可獻。不須再至夏。且執陟皆是虛字。必須連四字成句。言執之陟之攻之者皆駒也。不應斷爲兩句。蓋月令有游牝于牧之文。小正無之。則上無所承。故如此解之也。攻駒也者。夏官廋人曰攻駒。後鄭注曰。騶其蹄齧者。騶今謂之騶。雙聲語轉也。校人云。夏頒馬攻特。先鄭注曰。攻特。謂騶之。二鄭說同是也。且周禮指言夏與小正列攻駒于孟夏。亦符。

五月。參則見。見賢。通反。浮游有殷鵲則鳴。鵲與鵲通。古役反。

時有養日。乃瓜。傳本作乃衣瓜。舊注一作乃衣衣。

良蜩鳴。蜩音彫。

區之興。五日翕。望

乃伏。

匿於。珍反。

啟灌盛蓂。鳩爲鷹。唐蜩鳴。初昏。大火中。種黍。菽糜。

大戴本朱子本無此句。傳氏本有。而引或曰。種黍菽糜。以心中爲節。係因大火中而及之。非小正文。然据下文菽糜。

傳云以在經中。知其本有補之。

黃梅。蓄蘭。菽糜。

傳無菽糜。菽音叔。糜音門。大戴作菽糜。

頒馬。



傳曰五月參則見參也者伐星也。伐一作牧。故盡其辭也。顧氏曰夏時五月日躔鶉火參在日後朝見東

南隅。筠案唐風綢繆毛傳三星參也。史記天官書參爲白虎三星直是也。爲衡石。漢書天文志同。孟

康注曰東西直似稱衡也。其謂參六星者則兼伐言之。考工記熊旌六旂以象伐也。鄭注伐屬白虎宿

與參連體而六星其謂參十星者開元占經引石氏曰參十星惟天官書最明哲曰三星直矣。又曰下

有三星兌。即銳字。曰間。與伐同。其外四星左右肩股也。步天歌分七星爲參三星爲伐然三相參謂之參知史記所云三星直得古聖命名本意。傳曰故盡其辭而實

未言其故。案爾雅大辰房心尾也。廣雅曰參伐謂之大辰。公羊昭十七年傳大火爲大辰伐爲大辰。何

注大火與伐天所以示民時早晚天下所取正故謂之大辰辰時也。案此盡其辭之故也。

傳曰浮游有殷。韓本作蜉蝣經及下文並同。殷衆也。浮游殷之時也。朱子本無此句大戴有且作蜉蝣然字形係刊改者說文不收蜉蓋毛詩爾雅亦本同小正。浮游者渠略

爾雅同說文作蠹。也。朝生而暮死。筠案當作莫漢初不當有暮字。稱有何也有見也。黃氏曰浮游似蛄蜺能浮水上而游故

謂之浮游死即隨水而去也。浮游固不畏水然二字疊韻渠略亦平入疊韻方俗語耳不可鑿說。陸璣詩疏云浮游中蟲有角大如指長三四寸

甲下有翅能飛夏月陰雨時地中出筠案浮游生荒地故吾鄉謂之荒蟲。郭注爾雅方言皆云叢生糞



土中。樊光亦謂糞中蝎蟲。則是蟻蟪。非浮游也。木中蝎蟲。蛻爲天牛。與浮游尙是兩種。惟郭云叢生。與傳殷衆也合。

傳曰。鵲則鳴。

傳氏曰。大戴禮闕本鵲。作鵲。案今大戴作鵲。

鵲者百鵲也。鳴者相命也。其不辜之時也。是善之。故盡其辭也。爾雅。

鵲。伯勞也。

黃氏曰。一名博勞。

筠案。月令鄭注作博勞。趙注孟子曰。鵲。博勞鳥也。詩云。七月鳴鵲。應陰而後助者也。

博與百。勞與鵲。一也。埤雅云。倉庚知

分。鳴鵲知至。故陽氣分而倉庚鳴。可蠶之候也。陰氣至而鵲鳴。可績之候也。詩曰。七月鳴鵲。八月載績。是促人績者爲衣也。筠案。應則爲鵲。傳云。非其殺之時也。與此其不辜之時也。句法相似。辜者磔也。然高注呂覽曰。伯勞夏至後。應陰而殺蛇。磔之于棘而鳴其上。故顧氏曰。辜之句絕。辜。辜也。伯勞惡鳥。君子宜惡之。而小正盡其辭。不辜之者。以其知時。案如此則略可屬讀。然參見云則。參伏亦云則。鵲鳴亦云則。孰非應時者乎。恐傳久訛錯。不可盡解也。又案詩云。七月鳴鵲。鄭箋云。爾地晚寒。鳥物之候。從其氣焉。鄭君以物候從氣爲說。是据小正月令皆記于五月也。通卦驗曰。夏至應陰而鳴。冬至而止。然則七月固非其始鳴之時也。

傳曰。時有養日。

大戴曰。作白。以十月。養夜之。作曰。近是。

養。長也。

長。丁。丈反。

一則在本。一則在末。

筠案。二句難解。疑是謂月本月末也。夏至之日。晝五十九刻五分。前乎此者十五日。芒種爲月。



本。後乎此者十五日。小暑之前爲月末。皆盡長五十八刻十四分。爲一年最永之日。傳舉本末以該中閒也。

故其記

傳氏引舊注作紀。

曰有養日云也。

傳氏引舊注如此。而其本作時養日之也。又曰。大戴禮日之作曰之。朱子

所據大戴則作白之。

黃氏曰。此卽月令所謂日長至也。

傳曰。乃瓜。乃者。急瓜之辭也。瓜也者。始食瓜也。

此從大戴本。傳氏本作乃衣瓜瓜者。其餘竝同。又引舊注曰。一本乃衣瓜乃衣者。急衣之辭也。衣也者。始創衣也。案此謂其辭全異也。朱子引

之。頗有乖悞。於是金氏黃氏皆生謬說。

黃氏曰。詩中田有廬。疆場有瓜。是剝是蒞。獻之皇祖。後八月言剝瓜。此不言剝。疑不

獻也。然禮玉藻云。瓜。葵。上環。瓜非不可獻之物。或始食而祭之。故云急瓜也。不言乃瓜者。蒙上乃衣之

文也。此不妥。二月榮華繁葉。皆草。又皆是豆實。而曰榮曰采。尙且互文見意。不使相蒙。況衣與瓜之迴絕者乎。

顧氏曰。場人職曰。凡祭祀。共其果蓏。瓜匏之屬。古人

重之。故小正以紀候焉。筠案。乃瓜。祇是始食瓜。不必解作急。此對八月剝瓜言之。更不當增衣字。古文簡質。而從容。若一字爲一句。不成文也。

傳曰。良蜩鳴。良蜩也者。五采具。

顧氏申傳曰。別下匿也。筠案。爾雅郭注。引此傳文。良作蜩。采作彩。皆似俗改。

黃氏曰。五采者。五行之色也。蜩以微

物而五采具。故美之而稱良焉。

傳曰。匿之興。五日翕。望乃伏。其不言生而稱興。何也。不知其生之時。故曰興。以其興也。故言之興。五日



翕也。此八字難解似有誤。望也者。月之望也。考案望多在十五日。而伏云者。不知其死也。故謂之伏。五日也者。自此以下四句。在此不次。

伏也者。二句重複似五日之上。脫或曰二字。十五日也。翕也者。合也。伏也者。入而不見也。傳氏曰。戴禮入作人。關本無也字。黃氏曰。匿。蟬也。楚名

蟬。宋名蜋。二句未詳所出。方言曰。蟬。楚謂之蜋。宋衛之閒謂之蜋。蜋。爾雅舍人注。梁宋以東謂蜋爲蜋。淮南子曰。蟬三十日而蛻。疑五日上當有三字。謂既與

十五日而鳴。又十五日而伏也。

傳曰。啟灌藍蓼。啟者別也。陶而疏之也。灌者。傳本灌也者。聚生者也。記時也。張氏曰。月令五月。令民毋刈

藍以染。鄭注。此月藍始可別。蓋種藍之法。先蒔于畦。生五六寸許。乃分別栽之。藍蓼。藍之似蓼者。今名小藍。藍有數種。此種最優。五月始栽。八月方可爲澱。五月取汁。惟大葉藍耳。金氏以啟灌爲取汁。誤。

黃氏曰。大藍染碧。蓼藍染綠。綠字不知何字之訛。諸藍皆染青。但色分濃淡美惡耳。槐藍染青。凡數種也。但本文云藍蓼。不云蓼藍。內

則濡雞濡魚濡鼈。皆實蓼。本草。蓼有七種。紫蓼。赤蓼。青蓼。香蓼。馬蓼。水蓼。木蓼。諸蓼皆冬死。惟香蓼宿根重生。可爲生菜。其子可入藥。後世飲食不用。惟麴用其汁。則藍蓼當是二物。皆于是別莖之也。埤雅引夏小正。啟灌作灌沐。釋云。灌。澆灌也。沐。剝沐也。與後灌茶灌字異訓。筠案高注淮南曰。毋艾以染。



青未成也。我目驗藍葉，以手握之作聲，是青已成也。吾鄉五月大藍可染。如張氏所云：小藍五月栽，六月可刈以作澱，根再發生，八月再作澱，所得較少，其色故同。張氏但言八月，豈兗州物候不同邪？抑儒者不甚留心農事邪？傳曰：陶而疏之，疏者栽之宜稀也。陶未詳。顧氏引熊安生曰：開闢此叢生之藍蓼，分移使之稀散。

傳曰：鳩爲鵲。顧氏曰：列子曰：鵲之爲鵲，鵲之爲布穀，布穀又復爲鵲，以此推之，五月爲鵲，八月爲鵲，春爲布穀也。

傳曰：唐蜩鳴。唐蜩鳴者，匿也。筠案下鳴字衍。黃氏曰：唐之爲言大也。采具者謂之良，聲大者謂之唐，卽馬蜩。

大而黑，五月鳴，小而紫者爲蟋蟀。盡月而止，故曰蟋蟀。不知春秋。莊子消搖游篇文。則匿也。黃氏別唐蜩與匿爲二者，蓋以上文記匿不應重出。

顧氏則引孔氏廣森曰：既記其興矣，鳴又言之何也？一則目治，一則耳治，案此依傳解之。筠案：良唐匿是古字，蝗蜋說文雖收，然別是一物，蟬字則不收，蓋

所据毛詩爾雅均作唐也。今爾雅：蟬，郭注云：夏小正傳曰：蟬，蟬者，匿，俗呼爲胡蟬。江南謂之蟬，此

釋文：今本作蟬。方言：郭注同。案此經注皆蟬，蟬二字合爲一名也。大雅蕩篇：如蟬如蟬，毛傳：蟬，蟬也。蟬，蟬也。案此二字

各爲一名，且是兩物也。爾雅：五月鳴蟬，毛傳：蟬，蟬也。案此雖各爲一名，故是一物也。猶之黃氏以匿爲



螻蛄。方言云。螻蛄。或謂之蜉蝣。蜉蝣卽七月傳之蜉蝣。乃寒蟬也。而舍人爾雅注云。三輔以西爲蜉。楚地謂之螻蛄。則螻蛄又卽蜉也。要是一類小別。方俗語異。物固不甚懸絕也。又案自匭之興至此。別本在四月執陟攻駒之下。案月令。蟬始鳴。令民毋艾藍以染。皆在仲夏。唯無鳩爲鷹。季夏鷹乃學習。與小正六月鷹始摯合。

傳曰。初昏大火中。大火者心也。心中種黍菽麩時也。

傳本麩作糜

經義述聞曰。書大傳曰。主夏者火。昏中

可以種黍菽。尙書帝命期曰。夏火星昏中。以種黍菽。淮南主術訓曰。大火中則種黍菽。說苑辯物篇曰。主夏者大火。昏而中。可以種黍菽。是知麩者衍字也。或改爲糜。糜乃黍屬。言黍而糜在其中。或又改爲糜。春已種糜矣。何待五月。筠案王充文簡刪糜字。而說下文菽糜爲食豆粥。似皆誤。朱子註經曰。糜音門。知糜本作糜。詩生民。維糜維芑。皆今之穀。古之禾也。爾雅說文皆作糜。固是當春已種。然大火中乃麥秋之候。麥既登場。昔

鄉以其地種菽。直隸山西。或以種黍。或以種禾。其禾名曰六十日還家。此旱澇有備之事。不可拘定夏不種糜也。本書菽梅別瓜。皆上字是事。下字是物。若下文直書菽糜。不言其事。非例也。

傳曰。黃梅爲豆實也。

金氏曰。書言若作和羹爾。惟鹽梅。古人飲食用梅。猶今之用醋。筠案當引左

傳水火醯醢鹽梅以烹魚肉。說命乃僞書。不當引。

楚語所引傳說。亦有作醢作丹作霖雨三事。而無鹽梅事。

且左傳醢與梅並言。醢卽醋

也。儀禮酢亦作醋。今借用耳。金氏兩失之。陸璣詩疏。黃梅暴乾爲蘇。可著羹臠中。



傳曰。落蘭爲沐浴也。金氏曰。卽今澤蘭。香可辟不祥。黃氏曰。周禮注。三月上巳。以香藥薰草沐浴。是也。若家語云。生于深林。不以無人而不芳。則山蘭也。

傳曰。菽麋。傳本作麋。以在經中矣。筠案以卽已字。孟子無以陶以宜可證。又言之。時何也。是食短關而記之。筠案短關。大戴本作矩關。傳本作短閔。經義

述聞改此文曰。是何也。時食豆鬻而記之。筠案食豆鬻何以定在五月。且與又言終是曲說。竊疑經文重之不合。

出傳曲解之。不須塗附。又案傳氏本。經有上文種黍菽麋句。而本文菽麋句。僅見傳中。據傳云。已在經中。故不別之爲經。顧氏則刪種黍菽麋句。據傳氏引或說。非小正文也。又以落蘭菽麋爲一事。其說曰。據藝文類聚。落蘭上有五日字。說之者曰。此日蓄採衆藥。以蠲除毒氣。今案蘭香草。菽當爲叔。拾也。採也。麋依字作藥。說文。麋。麋蕪也。筠案爾雅。蜀都賦。博物志。皆作麋蕪。楚詞作麋蕪。要皆兩字爲名。未有以藥一字爲名者。藥字又字書韻書所無。蓋猶之采藥。大戴作菜繁。麋字俗書加艸耳。傳旣曰以在經中。則前後兩句。皆傳者據本所有。未可武斷。闕疑可也。

傳曰。頒馬。分夫婦。一作大夫卿。筠案大戴但云一作夫卿。無大字。之駒也。將閒諸則。傳氏本朱子本金氏本。此四字皆不列于經文。黃氏則列之。或取離駒。納之則法

也。傳氏曰。闕本。自是食短以下。止則法也。脫簡在三月拂拂然也。鳴之後。筠案離駒者。承上文分夫婦而言。又案四月傳云。執駒也者。離之去母也。黃氏曰。閒。閑通。詩曰。比物四驪。閑之維



則。筠案月令仲夏游牝別羣則繫騰駒班馬政蓋與此文相應。

六月初昏斗柄正在上。

關本舊注柄一作杓筠案正月斗柄傳氏亦引舊注七月斗柄則無柄杓雖同義似作柄是杓音標

養桃鷹始摯。

傳曰六月初昏斗柄正在上五月大火中六月斗柄正在上用此見斗柄之不在當心也。

筠案傳本无用字在似當作正

蓋當依依尾也。黃氏曰依當如依烏郎位之依尾言依舉別名尾主子孫故曰依。

傳曰養桃桃也者杔桃也杔桃也者山桃也養以爲豆實也。

傳本杔作施註云按爾雅杔根郭璞云白楸也樹似白楊而古今字書有杔而無施亦無訓山桃者爾雅

棚桃山桃音斯唐韻亦云此書杔桃者山桃也當作棚蓋傳寫之誤

筠案五月養梅及此養桃傳皆以爲豆實然則卽是內則注之桃諸梅諸

今之桃杏肺也養梅非如烏梅之取其酸則養桃亦非不可食之杔桃且正月杔著華二月其實落矣六月安得而養之傳說恐非。

傳曰鷹始摯始摯而言之。

傳本無下始摯字

何也諱殺之辭也故言摯云。

句依傳本

七月秀蘗葦。

秀讀爲秀蘗胡官反葦于鬼反筠案蘗當作葦本傳及灌荼傳並放此詩八月葦葦音作在

狸子肇肆。

狸大獸作狸朱子作狸案止字作狸

湟潦生葦。

湟音皇潦力倒反葦符兵反

爽死葦

秀。

傳氏曰爾雅葦蘗又曰葦其大者蘗又曰葦馬帶據此則上葦當作葦下葦當作葦傳同筠案漢案戶寒蟬鳴初昏織女傳氏所據爾雅亦有誤本當以葦葦爲正惟其同字故鹿鳴食野之葦傳曰葦也箋改之曰蘗也

漢案戶寒蟬鳴初昏織女



正東鄉。鄉音向時有霖雨。灌荼。斗柄縣在下。則旦。縣音懸

傳曰。七月蒔藿葦。未蒔則不爲藿葦。蒔然後爲藿葦。故先言蒔。筠案未秀則爲兼葭。說文曰。兼。葦之未秀者。葭。葦之未秀者是也。兼又名蘆。葭又名蘆。而葦之初生者。有莢。亂離三名。已秀者則爲葦。葦。詩八月蒨葦。毛傳曰。亂爲葦。葭爲葦。是也。惟詩言八月。此在七月。或是兩地寒物候晚。抑或錯簡邪。

傳曰。狸子肇肆。傳氏脫肇肆二字肇。始也。肆。遂也。言其始遂也。其或曰。傳氏曰。其字疑衍。顧氏引孔氏廣森曰。此與穀梁傳其一曰。文法正同。肆。殺也。金

氏曰。狸。伏獸。蓋至此時而始肆也。黃氏曰。若鷹之學習然也。筠案黃氏蓋讀肆爲肄。肄。習也。玉藻肆東及帶。鄭注肆讀爲肄。狸。善搏物。每

爲小步以擬度。發無不獲。徐氏曰。狸。一名不來。此兩說皆本之鄭君。然徐說非也。大射儀曰。量侯道。與所設乏。以狸步。注曰。狸之伺物。每舉足者。正視遠近。爲發必中也。狸步六尺。則知黃氏

所言指正視遠近之時。故云小步。所謂物之將擢也。必伏。度其可中。則一縱六尺矣。大射儀又曰。奏狸首。注曰。狸之言不來也。其詩有射諸侯。首不朝者之言。案注不朝。即是不來。非狸之別名。如徐氏意。則據古讀來。如狸以不爲發聲。則與不朝不合矣。然鄭君謂是詩。即射義之會孫侯氏。案是詩曰。小大莫處。御于君所。初無不朝之言。惟考工記梓人祭侯之辭曰。毋或若女不甯侯。不屬于王所。故抗而射女。豈鄭君以此亦爲狸首之詩邪。抑誤記邪。

傳曰。漙漙生華。傳本此句下有漙漙。下處也。有漙然後有漙。漙。一作漙。漙。傳本無此字。又引漙而後有華草也。傳引漙生華也者六字。



萃作萃今本作萃

黃氏曰爾雅疏小曰萍大曰蘋小者如菽圓不可食大者如蓋根細如須亦有花季春始生可烝爲菹。筠案爾雅隍虛也與傳云下處義同易城復于隍左傳潢汚行潦隍潢湟三字蓋同又案萍不生于流水而生于止水。

傳曰爽死爽也者猶疏也。筠案爽疏雙聲

黃氏曰或曰爽蕤也草名蓋夏枯草之屬能明目故謂之爽稟陽

之純故感初陰卽死。

筠案傳不云爽草也而以雙聲字解之若据周禮臣妾聚斂疏材

鄭注疏不孰曰僅以

疏爲蔬之古字則七月蔬尙未成安有死者若如黃氏以爽爲蕤之古字則蕤字僅見集韻又不言是

何草安得的指爲夏枯草且夏枯草立夏卽枯矣闕疑可也。

七月三陰黃氏以爲初陰亦誤

傳曰萃莠。

筠案鈔本作莠據傳當是廣雅疏證引作莠秀莠與蕝同爲萃已致鹿鳴傳有誤煩箋改正矣何可更以馬帶之莠爲萃

萃也者馬帶也。

韓本馬上衍有字依傳本刪

爾雅莠馬

帶郭注似莠可以爲帶莠廣雅馬帶屈馬第也。

傳曰潢案戶潢也者河也。

傳氏曰大戴無此三字

案戶也者直戶也言正南北也。

傳氏曰舊注南或作爲大戴禮作爲案今本作南

傳曰寒蟬鳴蟬也者。

傳本蟬下衍鳴字王文簡曰當云寒蟬也者

蜩蟪也。

蜩大兮反筠案字典不收蟪字方言作蜩蟪集韻蟪或作蜩蟪以韻文彙或作蟪推之蟪當音聊

筠案毛詩爾



雅無蟬字。呂氏月令乃有之。方言曰：秦晉之間謂之蟬。知蟬是秦字。小正不當用之。或即因月令而改。方言曰：蟬謂之寒蜩。郭注曰：按爾雅以蜺爲寒蜩。月令亦曰寒蜩鳴。乃月令鄭注曰：寒蟬寒蜩。豈郭氏据本作蜩邪？上文良蜩唐蜩皆不言蟬。

傳曰：初梓織女正東鄉。金氏曰：織女三星。

傳曰：時有霖雨。筠案：月令季夏大雨時行。此晚一月。霖雨淫雨也。三日以上爲霖。

傳曰：灌荼。傳本脫灌灌聚也。荼，藿葦之莠。傳本有爲蔣楮。張氏本作之也。藿，未莠爲莢。莢土葦，未莠爲蘆。以上二

注云：大戴禮張氏曰：以縣絮裝衣曰褚。藿葦之秀亦可裝衣，故聚之。筠案：楮似當作儲。四月取茶，傳

云爲薦蔣，蓋與本傳互文見意。爲薦蔣而儲蓄之也。古人裝衣，富者用縑，貧者用緼，不用茶。

傳曰：斗柄縣在下則旦。述記本句在正東鄉之下。案既記昏旦之星，自當連類。而此及十月皆分書之。任氏遂併一處，不爲無見。又但言昏星者，正四五六凡四月言旦星者，八月而已。蓋亦脫佚。

八月剝瓜。玄校：剝聚。藟零。藟力丹鳥羞白鳥。辰則伏。鹿人從。顧氏本祇鹿人二字。蓋大戴本無經文。顧氏於傳絕鹿人

古從字作从。妄者遂因下或曰人從而改耳。顧氏曰：今案此說是也。傳有二說：前一說爲正，傳不釋人字可證。駕爲鼠。參。傳本作中則旦。



傳曰八月剝瓜剝瓜也者

傳本注云大戴禮無剝瓜也者四字

畜瓜之時也

黃氏曰埤雅云瓜性惡香觸麝氣則一蒂不

收制字象其實在蔓間

筠案詩疆場有瓜是剝是蒞毛傳剝瓜爲蒞也

傳曰玄校玄也者黑也

傳氏曰大戴禮玄作五黃蕘圃校語云五通志堂本惠本作立

校也者若緣色然

蕘圃曰此下惠本有注云緣大戴禮作祿祿當爲緣緣衣黑古祿緣通周禮內司服鞠衣展衣

緣衣詩緣衣箋緣當爲緣凡三十六字筠案顧氏所據韓氏大戴緣作緣則此三十六字殆惠氏據別本補之春官巾車孤乘夏篆注

故書夏篆爲夏緣先鄭曰綠緣色案此知色有緣名然緣之爲色於書傳無徵且以綠色釋緣亦乖釋經之例或是綠色之訛又案綠

衣箋緣當爲緣

衣去聲婦人未嫁者衣之

張氏曰時藍蓼既成可染也詩載元載黃亦在八月筠案元爲

亦不作緣也

天色故冕以爲表而校爲綠色於經無徵顧氏破校爲絞引玉藻絞衣鄭注曰絞蒼黃之色又引詩載

元載黃以證然緣有祿綠之異文則古本乖異吾誰適從且小正立文以事冠其物者太半此不云染

元校何由知爲染事哉闕之可矣不敢強不知以爲知

說文縹帛蒼艾色詩曰縹衣縹巾未嫁女所服與傳文相近

傳曰剝棗剝也者取也黃氏曰詩八月剝棗以養老也本草云九月采取暴乾之補中益氣久服延

年故焦氏易林師之豫曰北山有棗使叔壽考筠案黃氏之說美則美矣未得其實棗栗之用甚廣

士昏禮婦見舅姑用之周禮籩人饋食之籩用之且亦救荒之物也七月毛傳剝擊也與剝瓜之剝不

同



傳曰。大戴。零零也者降也。

作粟。

傳本無也字。似連下文讀。降零而後取之。六字一句。降零者複語也。若於零也者降也絕句。則下文當云降而後取之。不得言零矣。正月傳。後者大也。下文即曰大風。不復言俊風。二月傳。昆者衆也。猶

魂。下文即曰魂也者。不復言昆。是其證。惟是降者訓義也。零者經文也。合訓義經文爲一語。則于傳未得其證耳。

零而後取之。故不言剝也。黃氏曰。東觀書曰。栗駭蓬轉。

蓋栗房秋熟罅發。

蜀都賦曰。爆栗罅發。

其實驚躍如爆。去根榦甚遠。所謂栗駭與盧諶祭法曰。春祠用棗。夏祠用

杏。秋冬祠用栗。內則棗曰新之。栗曰撰之。陸佃云。儀禮。棗烝栗擇。蓋烝之之謂新。擇之之謂撰。

傳曰。丹鳥羞白鳥。

月令鄭注引云。九月丹鳥羞白鳥。九字誤。邪抑後人因羣鳥養羞在八月而移之邪。

丹鳥者。

鄭注引丹鳥也者。

謂丹良也。白鳥者。

傳本無者字。鄭謂閩注引白鳥也者。

鄭注引同。韓本作蚊。筠案說文。爾蟲也。從蟲。門聲。蟲俗作蚊。罔字似誤。然罔爾二字皆武巾切。或是同聲借用。

蚋也。

蚋儒稅反。

其謂之鳥何也。

大戴無何字。鄭注引作其謂之鳥者。

重其養者也。有翼者

爲鳥。

鄭注引無者字。

羞也者進也。

關本無也字。

不盡食也。

以上二句。鄭注引作養也者不盡食也。養似羞之訛。又似承上文重其養。

黃氏曰。丹鳥。螢也。螢稟陽有

君象。故謂之君鳥。逸周書時則訓曰。君鳥不養羞。臣下驕慢。蓋螢七月但食風露。不遽食白鳥。所以養之。養之而後食之。明君之不虛取于下也。八月乃食之。然不盡食。略進之而已。明君之不盡取于下也。故金氏曰。是君道也。自月令訛爲羣鳥養羞。而說者紛紛矣。

傳曰。辰則伏。辰也者。

大戴禮無者字。

謂星也。

經義述聞曰。當作辰也者。房星也。初學記歲時部上引之。

伏也者。

傳云。大戴禮作伏見也者。

入而不見也。

經義述聞



曰。盧改星爲心。亦非也。孔云。小正謂房曰辰。謂心曰火。八月之昏。房先心而沒。故於此言辰則伏。於九月乃言內火。筠案爾雅。大辰。房心尾也。統舉一次而言之。又曰。大火謂之大辰。舉三宿之中而言之。本傳以爲房星。則又舉其首而言之。獨未有舉尾者。蓋尾箕合爲析木。不應大辰有尾也。

傳曰。傳本有鹿人從三字。大戴無。顧氏本從之。鹿人。顧氏曰。句絕。蓋謂仍作鹿從也。從者從羣也。鹿之養也。離羣而善之。傳氏引大戴作離羣而善而之。離而生。非所

知時也。故記從不記離。君子之居幽也不言。

顧氏引孔氏曰。鹿性得美食。必呦呦相呼。是善養其離羣也。兩鹿曰離。三鹿曰羣。離。麗也。牝牡偶也。鹿偶而蠅之時。非君子所知也。小正言著不言。

幽。故不記其偶牝。記從羣而已。筠案上言從羣。下言離羣。然則從羣者。從其羣也。離羣者。離其羣也。故下文離而生。不記離。皆應離字。記從則應從字。是離羣二字不可作兩鹿三鹿解。且曰離羣而善之。而乃不記離。是不記其善也。非所知時也。時字。依孔說當爲衍文。君子之居幽也。又當改之字爲於。乃可通也。愚意當以不解解之。或曰人從。孔氏曰。傳謂別家經文。有作鹿人從者。○大戴無從字。人從也者。大者於外。小者於內。率之也。顧氏曰。率。

逕借字。先道也。鹿性警防。羣善走者。環角外向。而令小者居內。以防人物之害。如人之相率而行。故曰人從。筠案依此說。則是將帥之義。率當爲衛之省矣。黃氏曰。鹿人。虞人也。從。卽易象卽鹿無

虞以從禽也之從。是時獸居山林。鹿人往從之也。筠案屯卦卽鹿無虞。王肅本作麓。虞翻本雖作鹿。然說之曰。山足稱鹿。鹿林也。則仍是麓說。文引春秋沙麓崩。又引穀梁傳林屬于山爲

麓。今本並作鹿。然則屯卦之鹿非獸也。況黃氏主田獵言之。則小正一書。一記王狩。何有于鹿人。詳此經傳。皆有訛誤。闕之可也。○十一月。晉人不從。戴傳亦不見從禽之意。



傳曰。駕爲鼠。

傳曰。參中則旦。

顧氏曰。參當爲壘。七星也。篆書壘壘形相似。月中之氣。日躔大火之中。日出加卯位之中。故七星中也。筠案月令八月旦。觜觿中。觜爲參。參僅占半度。與此參中正合。顧氏以夏時八月。日躔大火。較後世進一次。故云然。然亦安

知非錯

簡乎。

九月內火。

內音納。

遷鴻鴈。

遷特計反。

主夫出火。

陟元鳥蟄。

熊羆豹貉。鼫鼯則穴。

榮鞠。

鞠居大反。

樹麥。

傳氏引或曰。樹麥傳文。筠案大戴亦無。

王始

裘。辰繫于日。

傳本無此句。

雀入于海爲蛤。

傳曰。九月內火。內火也者。大火。

筠案下內字衍文。

大火也者。心也。

金氏曰。古者三月。

大辰旦見。

故出火。

八月辰

伏。故內火。

案此以火爲水。火之火與傳異。

張氏曰。三月。

大辰昏見。

金云旦見。誤。

顧氏曰。八月。

日躔大火。

心星蓋已伏

矣。九月又言之者。因記出火而及之。故變伏言內也。

傳曰。遷鴻鴈。遷往也。

黃氏曰。遷之爲言遞也。

長幼相序。其飛遞遞然也。

竹書于四裔之朝。皆曰來賓。

月令九月。鴻雁來賓。

雁非中國之鳥。而知有中國。故其來也曰賓。貴之也。

筠案說文。遷去也。

集韻與

逝同。史記賈誼傳。鳳漂漂其高逝。漢書作逝。



傳曰主夫出火。

傳氏注經曰夫當作火金氏同

主夫也者主以時縱火也。金氏曰古者季春出火所以焚萊于是民之

用火于野者不禁季秋雖內火然火有不可廢者如昆蟲蟄而火田之類于是主火度其用而出之民不得擅用也。黃氏曰主夫主火之官蔡氏謂主掌也夫燧也謂取火于日者。筠案秋官司烜氏作夫遂鄭注夫遂陽遂也說文作陽燧

淮南子作陽燧周禮雖夫遂連文然可以燧爲名不可以夫爲名蔡氏說誤此如近人解日居月諸曰居卑居也日中鳥也諸蟾諸也月中蝦蟇也同一穿鑿

顧氏曰火伏而後蟄者畢昆蟲既蟄得

以火田故出火秦氏蕙田曰主夫主火之夫案此謂主縱火之小臣明非古之火正也縱火猶漢之俗在上放火於下張羅承之以取禽獸筠案任氏述記迨主夫出火于三月參則伏之後亦不爲無見

傳曰陟元鳥蟄陟升也。

傳氏曰關本升作井蓋誤

元鳥者燕也。

大戴作鸛不成字

先言陟而後言蟄何也陟而後蟄也。金氏曰

予鳥去卽多蟄于島岸閒土穴中見沈存中筆談筠案謂之陟者謂其不歸巢而翱翔于天也晝飛而夜宿于稊穗久之乃蟄然老燕亦入海爲蛤不復蟄也偶有蟄巢中者我曾見之

傳曰熊羆貉鼬則穴。

傳氏曰大戴禮貉作貉穴作大筠案今大戴作能罷貉鼬則穴朱子本貉作貉曰貉莫白反紹莫各反鼬音佑鼬音生案說文無鼬字爾雅注引夏小正曰鼬則穴是也又案大戴本能罷

似是古字說文曰能熊屬分爲二物似非昭公七年左傳今夢黃熊入于寢門釋文作黃能左氏多用古文知能本是古熊字爲賢能借義所奪斯作熊以爲別耳安知古文堯典不作未虎能罷邪

若蟄而

顧氏曰而語辭周禮穴氏掌攻蟄獸是穴



也。猶蟄

張氏曰。伏處穴中。如蟲之蟄也。黃氏曰。熊好舉木引氣。謂之熊經。莊子所謂熊經鳥伸是也。

飢則自舐其掌。故美在掌。熊似熊而縱目有髭。高腳。能緣木。亦能人立。貍卽豹也。能勾物而取。程度而食。故文從勾。亦名程。自惜其采。若霧雨則十日不出。貉。獬豸也。善睡。能爲曲穴以避雨暘。以防患。鼯鼠

大而赤黃。一名地猴。

見本草。

一名鼠狼。

見廣雅。

其氣臭惡。鼯鼠能入牛象之耳。亦名耳鼠。象最畏之。

此說不知所出。爾雅郭注

本草皆以鼯鼯爲一物二名。且象無鼠不畏。其牙所爲器。有鼠行其上則有聲。當依爾雅郭注作鼯鼯。雖鼯亦鼯之一名。乃連言之者。與桃文法同。取其成文也。說者又以鼯鼯爲正月三月之田鼠。愈膠葛矣。

顧氏曰。貉。獬借字。

說文。熊獸似豕。山居冬蟄。通卦驗曰。熊入穴。博物志曰。豹死守窟。是四者皆穴居之獸也。說文。鼠。穴蟲之總名。筠案則穴云者。謂其避冷而入穴也。故傳云。若蟄。蓋熊入穴不復食。是真蟄矣。若鼯鼯至冬盜雞鴨食之。捕以作筆。亦以隆冬爲美。未有蟄之事也。然易通卦驗曰。小雪陰寒。熊入穴。案小雪乃十月中氣。此早一月。或一錯簡。

傳曰。榮鞠。鞠。草也。鞠榮而樹麥。時之急也。金氏曰。月令鞠有黃華是也。陶隱居云。莖紫。氣香。味甘。

葉可作羹者。眞菊。若莖青。作蒿艾氣。味苦不堪食者。乃薏。非菊也。

筠案此皆中華之物。若今所蒔之菊。乃洋種也。

顧氏曰。鞠。金之

氣也。麥。金穀。故釋鞠榮而及之。言見鞠之榮。而知樹麥時之不可緩。若其正時。當在八月。筠案月令仲



秋乃勸種麥無或失時。

傳曰王始裘。

筠案傳本大戴皆無此句。

王始裘者何也。衣裘之時也。

衣去聲。

黃氏曰。月令孟冬。天子始裘。周禮司裘。仲

秋獻良裘以供王服。則于季秋言始裘正也。

夏后時水土初平。人少故寒早。周時人多故寒遲。不可執一而論。

傳曰辰繫于日。

傳本經無此句。疑八月辰則伏之類。寫時脫也。

張氏曰。辰大火也。古人重火。故于火必詳之。

顧氏曰。此辰謂大

火之次。爾雅謂之大辰。夏時九月日躔析木。大火之次在日後。故曰辰繫于日。小正于此記日躔所在。以推十二月可知。

傳曰雀入于海爲蛤。蓋有矣。非常入也。

筠案傳者蓋未嘗見海。故以爲異事。不思雀無萬數。不見死

者。果何所往乎。老雀純陽。化而爲蛤。則純陰。變化之理。有固然矣。說文曰。蜃有三種。皆生于海。蜃蠃。千

或十字之訛。

歲雀所化。海蜃。百歲燕所化。蜃蜃一名復桑。老服翼所化。案此則燕及蝙蝠皆化爲蛤。不特雀

也。說文今本訛脫。依爾雅釋文。藝文類聚所引改補。

十月豺祭獸。

豺。豚皆反。

初昏南門見。

見賢。遍反。

黑鳥浴時有養夜。雉入于淮爲蜃。

大戴句首有玄字。蜃。大戴作蜃。傳同。蜃時忍反。

織女正北鄉。則旦。



傳曰十月豺祭獸善其祭而後食之也。

金氏曰月令在季秋。

筠案漢書蘇林注曰。獬虎屬。常以立秋祭獸。是獬非豺。是立秋非季秋。孟冬。蓋各據所見言之。無定

文也。

古人每有不忍殺之意。故必豺祭獸然後田獵。以爲乾豆賓客之用。黃氏曰。豺於霜降之日必殺

獸而陳之以祭。獬祭圓象天。陽也。豺祭方象地。陰也。祭仁者事也。豺獬不仁之物也。以不仁之物而有似于仁。君子斯進之矣。顧氏引高誘曰。豺似狗而長尾。其色黃。殺獸四面陳之。世謂之祭獸。

傳曰初昏南門見。

傳氏曰。大戴禮脫見字。今本有。

南門者星名也。及此再見矣。

顧氏注經曰。初昏字。蓋衍文。夏時十月

日躔星紀。南門在日後。朝見東南隅。又注傳曰。四月昏見。此時朝見。任氏述記。作初昏織女正北鄉。南門見則旦。其說曰。二句舊本互易。今從徐圃臣說。筠於象緯甚疏。姑竝存之。

傳曰黑鳥浴。黑鳥者何也。鳥也。浴也者。飛乍高乍下也。

大戴禮作黑鳥浴者何也。鳥浴也者。飛乍高乍下也。

黃氏曰。蔡氏謂十月氣

寒日煖。乘煖而浴也。

案此乃沐浴之浴。

顧氏引淮南子曰。鳥力勝日。

傳曰時有養夜。

傳本無此句。

時有養夜者。養長也。

筠案以上十二字。大戴作時有養者長也。六字。又案五月傳。養長也。朱子曰。長丁丈反。本傳則無音。疑無者是也。蓋丁丈反。則是長養之意。似不合。若作

消長之義。更不合。唐風葛生曰。夏之日。冬之夜。毛傳曰。言長也。是小正之義。

若日之長也云。

張氏曰。若日之長者。若夏日之長也。

筠案時有養



日爲夏至記也。旣在五月，則時有養夜，爲冬至記也。當在十一月，知是錯簡。

傳曰：元傳本經無元字，傳作云，疑屬上則然，亦非也。筠案屬上者以若日之長也，云爲句。

雉入于淮爲蜃。蜃者蒲盧也。

大戴盧作蘆。

金氏曰：蜃大蛤也。黃

氏曰：古人凡圓而長者，皆謂之蒲盧，亦謂之果臝。故謂大蛤爲蒲盧。

案爾雅釋蟲：果臝，蒲盧。郭注：卽細腰蠶也。黃氏據此立說云：圓而長者，細腰銜泥作房，如

併竹管也。

顧氏曰：雉，鷩雉也。春秋傳謂之丹鳥，司閉者也。以立秋來立冬去，入水爲蜃。蒲盧，謂蛭蛤，明非

蛟屬之蜃。

傳曰：織女正北鄉，則旦。旦，大戴作具。

織女，星名也。

南門兩見於四月十月，皆有傳。織女兩見於七月十月，則此有傳而在前者反無傳，知傳文亦多脫佚。

顧氏曰：月初之

氣，日在星紀之維首，日出加卯位之末，南斗在卯，七月之昏，南斗在午，織女東鄉，今南斗在卯，故織女北鄉。

十有一月，王狩，陳筋革，嗇人不從，隕麋角。

傳曰：十有

傳云：大戴禮脫有字，筠案今本有而月令鄭注引亦無。

一月王狩，狩者

傳本王狩者。

言王之時田，冬獵爲狩。

爾雅釋天文。

筠案：春蒐夏

苗，秋獮，冬狩，自是周制。夏后氏不知亦然與否。傳云：時田者，以明非禽荒也。顧氏於經合王狩三句爲一事，其說曰：周禮仲冬教大閱，遂以狩田，月令五庫，皮革筋爲一庫，蔡邕以爲兵車之庫，孔氏廣森



曰筋、弓也。革、函也。因狩之時。料簡兵實。任氏兆麟曰。詩箋。田峻。嗇人。今之嗇夫也。夏書。嗇夫馳庶人走。夏時有此官。案不從不從狩也。嗇夫。蓋小臣主傳命者。覲禮曰。嗇夫承命告於天子。

傳曰。陳筋革。

傳本無此句。大戴筋作肋。下同。

陳筋革者。省兵甲也。

黃氏曰。取所獲之獸。而陳其筋革之可備兵甲者。左

傳所謂皮革齒牙骨角毛羽不登于器則君不射也。

傳曰。嗇人不從不從者。弗行於時月也。張氏曰。時是也。是月農務未畢者。猶不從獵也。詩曰。二之日其同。則無不從者矣。顧氏斷不從者。弗行為句。以於時月也。萬物不通為一事。說之曰。此釋所以不從之故。在易姤之象曰。后以施命誥四方。復之象曰。先王以至日閉關商旅不行。后不省方。時是也。是月太陰用事。萬物充實。當助微陽生息。無施命誥四方之事。故嗇人不從也。筠案。顧氏斷句似是。而以為釋不從之故。則以二句無經可附。故云然也。

萬物不通。張氏曰。月令所載閉藏諸事。皆此義也。

黃氏曰。此四字。朱子不別為經。

傳本同。

但存之弗

行于時月也之下。然義實難曉。姑從張氏蔡氏別書之。金仁山竟刪去此句。似未允協。

傳曰。隕麋角。隕、墮也。

墮。大戴作墜。說文有隊。隊而無墜。尚書萬事墮哉。是墜亦隊落之通詞。不必泥說文敗城阜之說。

日冬至。陽氣至始動。

二月傳。萬物至是動而後著。疑此當作陽氣至是始動。

諸向生皆蒙蒙符矣。故麋角隕。記時焉爾。顧氏曰。月令。仲冬麋角解。熊安生曰。鹿山獸。夏至得陰氣。



而解角。麋澤獸。冬至得陽氣而解角。黃氏曰：不言麋角隕而言隕麋角，何其隕也有隕之者也。天地之氣動于至微而象于至著，陽甫至而隕者已在麋角，著焉爾。易有隕自天。

十有二月鳴弋。元駒賁。

賁音奔。

納卯蒜。虞人入梁。隕麋角。

傳氏曰：月令仲冬麋角解，與小正十一月記隕麋角合。十二月又記之，蓋衍文。戴氏因誤爲之傳，失之矣。

傳曰：十有二月鳴弋。弋也者，禽也。先言鳴而後言弋者。

傳本無者字。

何也？鳴而後知其弋也。

金氏曰：弋當

作爲。今雪霽霜風之晨，則爲鳴一說。鳴弋猶言鳴弦。弋者，以生絲繫矢而射，謂獵禽也。

傳曰：元駒賁。

筠所得鈔本。元作黝。校語云：古文引小正皆作黝駒，不知何時訛作元。案揚子法言：元駒之步，方言則作元駒。廣雅同，未見作黝者。姑記俟考。

元駒也者，蠃也。

蠃於豈反。傳氏曰：闕本元駒者蠃也。筠案：玉篇

合蠃蠓爲一字。然學記：蛾子時術。漢魯峻碑：蓼蠃。卽小雅蓼莪。知古讀義如我。魚藻：尾豈爲韻。然則蠃者蛾之俗字。蠃則漢字不可合也。

賁者何也？走於地中也。

黃氏曰：按爾雅方言：蚍

蜉，大蠃。小者蠃。飛者蠃。赤色斑駁者蠃。一名打蠃。

以上出爾雅。此從邢疏絕句也。玉篇：蠃下打。下皆曰蠃。打則絕蠃打爲句。蠃字自爲句。

一名蠃蟧。

此出廣韻。

名石宮。

此未詳所出。

齊魯謂之駒螻。

音駒螻。

梁益謂之元駒。燕謂之蛾蚋。

音蛾蚋。以上出方言。

物小而有力能舉等身之鐵，其

行甚捷，故曰賁。

傳曰：納卯蒜。

大戴詁林下同。

卯蒜也者，本如卵者也。納者何也？納之君也。

金氏曰：納者收藏之。

此駁傳納之君也。然輸稅至今呼爲



納糲。此古語也。况小正夏時書。禹貢納總納經納結。豈得不爲納之君乎。禹貢釋文。納本又作內。案作內是也。月令無不務內。秦人尙不用納字。況于夏人。九月內火是本證。蒜者菜之輩者也。說文輩。臭菜也。黃氏曰。

古有小蒜無胡蒜。未有本大如卵者也。疑卵蒜爲二種。抱朴子。夏后時始食卵。此記食卵之始也。

顧氏引古

今注卵蒜俗

謂之小蒜

傳曰。虞人入梁。虞人官也。梁者。主設罟罟者也。

罟音古

張氏曰。月令命漁師始漁。卽此。

黃氏曰。虞人。

澤虞也。周禮敝人。月令漁師。此名虞人者。舜命益作虞。夏承虞制。猶未分官也。

筠案以周禮月令比擬小正。書闕有閒。亦勢所不免。然自

大禹元年至秦始皇元年是作月令時也。凡一千九百八十五年。卽至周初作周禮之時。亦千餘年。政治因革。豈可提乎。

筠案傳梁者句下。當有闕文。梁當是敝筍在梁之梁。

且主設罟罟者也。當承虞人官也之下。惟其爲官。故有所主。梁則物也。豈得有所主。蓋梁者之下。傳文脫佚。或人移之于上耳。經義述聞以梁者爲衍文。然經文之梁。與橋梁棟梁別。自當加解說。特魚梁用于夏秋。魯語曰。大寒降。水虞于是乎講。鳧罾。取名魚。登川禽。是知冬不用梁。且梁不可入。未知何義也。雞始粥。述記有此句。其說曰。句見乾鑿度鄭氏注。舊本闕。時陽漸長。雞感而始粥。至正月孚粥。猶正月記采芸。二月復記榮芸爾。筠案此粥字當音育。周書時訓解。大寒之日雞始乳。

易通卦驗云。雞乳在立春節。

月令



季冬亦曰雞乳。此舉事本。正月桴粥。乃舉事末。菹卵必二十一日乃生。

正月雞桴粥。黃氏以爲十八日。乃其最速者。

傳曰。隕麋角。蓋陽氣且睹也。

大戴朱子且作旦。筠案且者將也。且睹者。謂陽氣漸盛也。凡正月晴明之日。則見陽氣出地。狀如流水。此時雖未睹。然已盛矣。故麋角無不隕也。

故記之也。金

氏曰。重出。黃氏曰。小正于夏至不言隕鹿角。諱之也。于冬再言隕麋角。著之也。陽生于子。長于丑。氣至此。如夜之將旦。蓋迭爲消長。自然之運。然天地之心。特藏于陰之中。故曰復其見天地之心乎。天地之用。有斂有舒。天地之心。有生無殺也。聖人體之。每扶陽而抑陰。非聖人有心軒輊其閒。卽天地之心也。凡物之體。上陽下陰。首爲諸陽之會。角尤陽中之陽。鹿又陽獸。

筠見鹿角之生。半月而成。骨長之速。未有似此者。

何微陰甫至。角

遽爲之隕乎。姤曰女壯。甚危乎其壯也。勿用取女。甚戒乎取之者也。上九曰姤其角。鹿恃其陽之盛。一麋而數鹿環之。其爲取女甚矣。或陰一至卽姤其角。君子所羞言也。故諱之。若夫麋本陰獸。陰不宜角。而其角且大于鹿。是陰盛而與陽爭。幾爲坤之龍戰于野矣。且麋之言迷也。迷復之凶。君子愆焉。乃陽一至。而角爲之隕。不敢抗也。復之初曰不遠復。二曰休復以下仁。于上乃曰迷復凶。麋之隕角于子者。其不遠之元吉乎。再隕于丑者。其休復之下仁乎。故君子甚樂其著之者也。然其隕也。非自隕。有隕之者也。臨十二月之卦也。初九曰咸臨。九二曰咸臨。咸者無心之感。天地之氣。動于至微而



象于至著。易之再言咸臨者。動于至微。而小正之再書隕麋角者。象于至著也。筠案傅氏金氏皆以爲重出是也。五月菽糜亦重出。傳亦再解之。此先儒之謹。亦先儒之拘也。案每月二氣六候。一年二十四氣七十二候。如雨水、驚蟄、芒種、白露、寒露、霜降、小雪、大雪。以物徵之者。三分之一。而候則無不徵之于物。蓋麻法取之以巧算。則虛而無憑。故必以艸木鳥獸感氣之自然。而動者。以是考麻法之疏密。故曰候。謂以此候其節氣也。若有所諱。有所著。則非記時令之書矣。且小正春三月五月七月九月。所記尙詳。其餘皆不應如此之略。其六月十一月十二月尤爲寥落。傳久脫佚。曉然可知。不必從爲之辭。惟黃氏之意甚美。不忍刪也。故存而辨之。

月令季冬疏曰。按月令九月豺祭獸。易通卦驗云。小寒豺祭獸者。熊氏云再祭也。一曰易說誤也。無此文。筠案熊氏與本傳同。皆據衍文而從爲之辭。孔氏駁之是也。



王雲五主編

叢書集成初編

夏小正正義

中華民國二十五年十二月初版

撰者 王筠

發行人 王雲五  
上海河南南路

印刷所 商務印書館  
上海河南南路

發行所 商務印書館  
上海及各埠

\*D六二二三

翁

三

紙



